

望嘉靖丙戌辰無錫秦禾知武康縣時  
刊本依宋景定中天台國材知武康  
所刻字數求編定者其駢白十首載  
昌黎集中者數求以其章著不錄以  
似鈔附第十卷後為秦氏為之也戊辰  
花朝蘇城經訓堂手裝記



# 孟東野集

同治丁卯秋收  
于武林



刻孟東野詩集敘

東野以詩名於唐諸家編秩去取  
互有異同改竄復多臆見宋學士  
敏求總括遺逸擿去重複彙為十  
卷東野武康產也宋景定間武康  
令國成德氏用宋本刻之曩得其  
集於都氏玄敬所私識以印蓋因



其宋刻而寶之也歷世已久中多闕文訛字予珍藏之舊矣癸丑冬承乏令武康緡閱邑志國令無聞焉豈宋季師旅方興文教漸弛纂言者忽而不錄與茲可慨矣予惟祀宋無徵文獻不足故也自唐歷宋始會諸本而集其全迄今傳者

已無幾矣宰邑者刻之姓名復湮沒而不志見修舉廢墜責將安歸予懼夫後之視今亦猶今之視昔爰畀杭士趙顯伯正其訛舛捐俸而重鋟諸梓併入國令姓名於志廣其傳且俾文獻有徵也粵若東野之詩愁苦沉抑之徐庾之流麗

規鉅少異非杜陵之體裁詩家評  
品別自有說非淺學所敢與知刻  
既成敬敘數言用識歲月

嘉靖丙辰秋八月望日

賜進士第文林郎知武康縣事無錫  
秦禾書

孟東野詩集序

武康代產文士惟沈約孟東野詩以  
名家余謂永明接江左舊耳元和集  
三變大成焉步武不出江南東野交  
游北方名士二家詩體固應是抑德  
以形言言以驗德而止以詩觀詩何  
哉晉陶淵明詩爲晉宋大家數然宋

求初以後每有著述不繫紀年而書  
甲子發乎情根諸性也約仕守仕齊  
宋元之末探西邸密意詔書出懷中  
夙備無遺缺然則平時用工覓句豈  
其性情哉視行唵溪曲泊無宦情奪  
俸不愠一寒到死不隨逐酒壚餅肆  
間媚匪人者其言德定何如也今保

有孟保井有孟井人亡物改竹幽水  
深過之清風爽然使人脫洒於世味  
之外余始來為令急符獰卒晝夜至  
余懼夫言政而不及化懷賢訪古與  
邑之士相與論文則趣尚風流有苦  
學如正曜者因與共評其詩用宋公  
敏求本銀諸梓且併論沈孟言德大

孟東野詩集序  
概使尚友者觀焉景定壬戌天台國材成德序

國成德宰武康錄孟東野詩立其祠余家舊藏東野像書來借臨其尚友與俗異矣予因讀昌黎贈先生篇追和其韻併臨其像奉送之武康

瞭然徹眸子可以觀人心僂儒固當懼清揚照于今既見東野像人聞東野音其音何琅琅笙磬簫瑟琴歌招世人聽大音忽已沉問我何所聞冥默中細尋初嘗訝苦硬久味極雄森昌黎維宗伯誰能齒諸任尊之繼李杜先生亦披襟

寸筵撞洪鍾下拜肯低簷城南鬪鷄作珠琳列  
差參劔戟相櫻拂壘塹互登侵劃鏡龍門呀兀  
撐大華嶽簾細無可揀如入夸父林巨壑百川  
會大雲四野陰今人何所見秋噴沸蜩禽据撫  
蝼蚓間短策欲深臨坡翁素雅譎偶作朝生吟  
獨夢銅斗歌儂音帶江南斯言戲之耳定價如  
良金杜老嘲淵明夫豈誠弗欽謂能潤飾韓魯  
直豈向歆本師非翁敵坻嶼視高岑雖然曰郊  
島郊島有淺深吾友武康宰作事爲世箴立祠  
警溷濁刊詩正哇淫樂石覆大屋關防作練砧  
景定壬戌九月望日閩風舒岳祥書

孟東野詩集序

東野詩世傳汴吳鏤本五卷一百二十四篇周  
安惠本十卷三百三十一篇別本五卷三百四  
十篇蜀人蹇濬用退之贈郊句纂咸池集二卷  
一百八十篇自餘不為編秩雜錄之家家自異  
今總括遺逸摘去重複若體製不類者得五百  
一十一篇釐別樂府感興詠懷游適居處行役  
紀贈懷寄酬答送別詠物雜題哀傷聯句十四  
種又以讚書二絲于後合十卷嗣有所得當次



第益諸十聯句見昌黎集章章於時此不著云  
集賢校理常山宋敏求序

孟東野詩集目錄

第一卷

樂府上

列女操一首

灞上輕薄行一首

長安羈旅行一首

長安道一首

送遠吟一首

古薄命妾一首

古離別一首

古樂府雜怨三首

靜女吟一首

歸信吟一首

山老吟一首

遊子吟一首

小隱吟一首

苦寒吟一首

猛將吟一首

傷哉行一首

古怨一首

湘絃怨一首

楚竹吟酬盧虔端公見和湘絃怨一首

遠愁曲一首

貧女詞寄從叔先輩簡一首

邊城吟一首

新年歌送許問一首

殺氣不在邊一首 結愛一首

絃歌行一首

覆巢行一首

出門行二首

湘妃怨一首

巫山曲一首

巫山高一首

楚怨一首

塘下行一首

臨池曲一首

車遥遥一首

征婦怨一首

空城雀一首

閑怨一首 一作閨怨

羽林行一首

古意一首

古別離一首

遊俠行一首

黃雀行一首

有所思一首

求仙曲一首

嬋娟篇一首

南浦篇一首

清東曲一首

第二卷

樂府下

織婦辭一首

古意一首

折楊柳二首

和丁助教塞上吟一首

古怨別一首

古別曲一首

樂府戲贈陸大夫十二丈三首陸長源

勸善吟一首

望夫石一首

寒江吟一首

感興上

審交一首

怨別一首

百憂一首

路病一首

衰松一首

遣興一首

退居一首

卧病一首

隱士一首

獨愁一首

春日有感一首 將見故人一首

傷時一首 寓言一首

偶作一首 勸學一首

贈農人一首

罪松一首

感懷八首

暮秋感思二首

勸友一首

夷門雪贈主人一首 陸長源  
答一首

堯歌一首

第三卷

感興下

亂離一首 勸酒一首

去婦一首

君子勿鬱鬱士有謗毀者作詩以贈之

二首 聞砧一首

遊子一首 自歎一首

求友一首 投所知一首

病客吟一首

感懷一首

離思一首

結交一首

傷春一首

擇友一首

夜憂一首

惜苦一首

寒地百姓吟一首

出東門一首

教坊歌兒一首

訪疾一首

酒德一首

冬日一首

飢雪吟一首

偷詩一首

晚雪吟一首

自惜一首

老恨一首

詠懷上

湖州取解述情一首

落第一首

詠懷一首

病起言懷一首

秋夕貧居述懷一首

夜感自遣一首

再下第一首

下第東歸留別長安知己一首

失意歸吳因寄東臺劉復侍御一首

下第東南行一首 歎命一首

遠遊一首 商州客舍一首

長安旅情一首 長安羈旅一首

渭上思歸一首 登科後一首

初於洛中選一首

乙酉歲舍弟扶侍歸興義莊居後獨止

舍待替人一首

西齋養病夜懷多感因呈上從叔子雲

一首

第四卷

詠懷下

秋懷十五首 靖安寄居一首

雪一首 春愁一首

懊惱一首

遊適上

遊城南韓氏莊一首

與二三友秋宵會話清上人院一首

夜集一首 招文士飲一首

陪侍御叔遊城南山墅一首

登華嚴寺樓望終南山贈林校書兄弟一首  
遊終南山一首

遊終南龍池寺一首

南陽公請東櫻桃亭子春燕一首

遊華山雲臺觀一首

喜與長文上人宿李秀才小山池亭一首  
邀花伴一首

石淙十首

遊帝七洞庭別業一首

越中山水一首

春集越州皇甫秀才山亭一首

和皇甫判官遊琅琊溪一首

第五卷

遊適下

汝州南潭陪陸中丞公燕一首

汝州陸中丞席喜張從事至同賦十韻一首

夜集汝州郡齋聽陸僧辯彈琴一首

同年春燕一首

羅氏花下奉招陳侍御一首

遊石龍渦一首 浮石亭一首

看花五首 濟源春一首

濟源寒食七首 遊枋口二首

與王二十一員外涯遊枋口柳溪一首

與王二十一員外涯遊昭成寺一首

嵩少一首

旅次洛城東水亭一首

洛橋晚望一首

居處

北郭貧居一首

題陸鴻漸上饒新開山舍一首

題韋承總吳王故城下幽居一首

蘇州崑山惠聚寺僧房一首

題從叔述靈巖山壁一首

題林校書花嚴寺書窓一首



藍溪元居士草堂一首

新卜青羅幽居奉獻陸大夫一首

陸長源  
答一首

題韋少保靜恭宅藏書洞一首

生生亭一首

寒溪九首

立德新居十首

### 第六卷

行役

西上經靈寶觀一首

泛黃河一首

往河陽宿峽陵寄李侍御一首

鷓路溪行呈陸中丞一首

獨宿峴首憶長安故人一首

自商行謁復州盧使君虔一首

夢澤行一首

京山行一首

旅次湘沅有懷靈均一首

過彭澤一首

過分水嶺一首

分水嶺別夜示從弟寂一首

連州吟三章

旅行一首

紀贈

上河陽李大夫一首

投贈張端公一首

贈蘇州韋郎中使君一首

上張徐州一首 上包祭酒一首

贈崔純亮一首 贈文應上人一首

嚴河南一首 贈李觀一首

吳安西館贈從弟楚客一首

贈章仇將軍一首 贈道月上人一首

紆情因上郎中二十二叔監察十五叔

兼呈李孟端公柳縝評事一首

贈城郭道士一首

桐廬山中贈李明府一首

贈漢南樊尚書一首

贈轉運陸中丞一首

贈萬年陸郎中一首

擢第後東歸書懷獻坐主呂侍郎一首

古意贈梁肅補闕一首

贈黔府王中丞楚一首

上達奚舍人一首 贈主人一首

贈建業契公一首

獻襄陽于大夫一首

贈鄭夫子魴一首

大隱詠三首 崔從事鄭以直隳職章仇將軍良棄功守貧趙記室

做有職無事

贈韓郎中愈二首 戲贈無本二首

### 第七卷

### 懷寄

寄張籍一首

憶周秀才素上人時聞各在一方一首

舟中喜遇從叔簡別後寄上時從叔初

擢第歸江南郊不從行一首

懷南岳隱士一首

春夜憶蕭子真一首

寄院中諸公一首

寄洛州李大夫一首

盧虔少君一首 寄崔純亮一首

汴州亂離後憶韓愈李翱一首

司張籍一首

身義興小女子一首

憶江南第一首

宿空姪院寄澹公一首

寄陝府鄧給事一首

送諫議十六叔至孝義渡後奉寄一首

至孝義渡寄鄭軍事唐二十五一首

### 酬客

答友人一首

酬友人見寄新文一首

答韓愈李觀別因獻張徐州一首

答書上人止讒一首

答姚怱見寄一首 答郭郎中一首

答盧虔故園見寄一首

汝墳蒙從弟楚材見贈時郊將入秦楚

材適楚一首

同從叔簡酬盧殷少府一首

酬李侍御書記秋夕雨中病假見寄一首

答盧仝一首

奉答翰林張舍人見遺之詩一首

送別上

送從弟東歸一首

山中送從叔簡赴舉一首

送別崔寅亮下第一首

大梁送柳淳先入關一首

送無懷道士遊富春山水一首

送溫初下第一首

送盧虔端公守復州一首

送任齊二秀才自洞庭遊宣城一首

送曉公歸庭山一首

送豆盧策歸別墅一首

送清遠上人歸楚出舊寺一首

山中送從叔簡一首

送蕭鍊師入四明山一首

第八卷

送別下

感別送從叔校書簡再登科東歸一首

送玄亮師一首 送李尊師玄一首

同晝上人郭秀才江南尋兄弟一首

春日同常郎中使君送鄒儒立少府扶

侍赴雲陽一首

送從叔校書簡南歸一首

送韓愈從軍一首

同茅郎中使君送河南裴文學一首

送李翱習之一首

送丹霞子阮芳顏上人歸山一首

送從舅端適楚地一首

送盧汀侍御歸天德幕一首

送草書獻上人歸廬山一首

和薛先輩送獨孤秀才上都赴嘉會一

首

送崔爽之湖南一首

送超上人歸天台一首

同李益崔放送王鍊師還樓觀魚爲群

公先營山居一首

張徐州席送岑秀才一首

送黃構擢第後歸江南一首

送道士一首  
送孟寂赴舉一首

同漂陽宰送孫秀才一首

漂陽唐興寺觀薔薇花同諸公餞陳明

府一首

送柳淳一首

送殷秀才南遊一首

送青陽上人遊越一首

奉同朝賢送新羅使一首

留弟郢不得送之江南一首

送陸暢歸湖州因憑題故人皎然塔陸

羽墳一首

送淡公十二首

送魏端公入朝一首

送盧郎中汀一首

送鄭僕射出節山南一首

別妻家一首

贈姚怱別一首

贈竟陵盧使君虔別一首

與韓愈李翱張籍話別一首

首  
監察十五叔東齋招李益端公會別一

汴州別韓愈一首

贈別殷山人說易後歸幽墅一首

壽安西渡奉別鄭相公二首

第九卷

詠物

宇文秀才齋中海柳詠一首

搖柳一首

曉鷄一首

和薔薇花歌一首  
邀人賞薔薇一首

和宣州錢判官使院廳前石楠樹一首

酬鄭毗鄞躅詠一首

品松一首

答李貞外小榼味一首



井上枸杞架一首 蜘蛛諷一首

蚊一首 燭蛾一首

和錢侍郎甘露一首

雜題

和令狐侍郎郭郎中題項羽廟一首

讀張碧集一首 聽琴一首

聞夜啼贈劉正元一首

喜雨一首

終南山下作一首 觀種樹一首

春後雨一首 荅友人贈炭一首

爛柯石一首 尋言上人一首

賁玉布一首 姑蔑城一首

崢嶸嶺一首 尋裴處士一首

子慶詩一首

憇淮上觀公法堂一首

江邑春霖奉贈陳侍御一首

漂陽秋霽一首 列僊文一首

右方諸青童君一首

清虛真人一首

金母飛空歌安度明一首

夏日謁智遠禪師一首

訪嵩陽道士不遇一首

聽藍溪僧為元居士說維摩經一首

借車一首

首

喜符郎詩有天縱一首

憑周况先輩於朝賢乞茶一首

上昭成閣不得於後姪僧悟空院嘆嗟

一首

魏博田興尚書聽嬖之命不立非夫人

詩一首

讀經一首

謝李輶再到一首

忽不負喜盧仝書舡歸洛一首

第十卷

哀傷

吊國殤一首

吊比千墓一首

吊元魯山十首

哭李觀一首

李少府廳吊李元賓遺字一首

悼吳興張衡評事一首

哀孟雲卿嵩陽荒居一首

哭盧貞國一首 傷舊遊一首

吊房十五次卿少府一首

逢江南故書上人會中鄭方回一首

哭秘書包大監一首

悼幼子一首 悼亡一首

吊李元賓墳一首

覽崔爽遺文因忪幽懷一首

峽哀十首 杏殤九首

吊江南老家人春梅一首

哭李丹員外并寄杜中丞一首

哭劉言史一首 吊盧殷十首

聯句

有所思聯句一首 遣興聯句一首

贈劍客李園聯句一首

讚

讚維摩詩一首

書

上常州盧使君書一首

又上養生書一首

孟東野詩集目錄

國家圖書館, NATIONAL CENTRAL LIBRARY, TAIWAN, R.O.C.



孟東野詩集卷第一

唐山南西道節度叅謀試大理評事武康孟郊著  
明進士文林郎知武康縣事無錫秦禾重刻

曾孫秦伯欽  
鑑藏板

樂府上

列女操

梧桐相待老鴛鴦  
會雙死貞婦貴  
徇夫捨生亦如此  
波瀾誓不起  
妾心井中水

灞上輕薄行

長安無緩步况值天景暮相逢灞澹間親戚不  
相顧自嘆方拙身忽隨輕薄倫常恐失所避化  
為車轍塵此中生白髮疾走亦未歇

一作不得歇

### 長安羈旅行

十日一理髮每梳飛旅塵三旬九過飲每食唯  
舊盃物皆及時獨余不覺春失名誰肯訪得  
意爭相親直木有恬翼靜流無躁鱗始知喧競  
場莫處君子身野策藤竹輕山蕪薇蕨新潛歌  
歸去來事外風景真

### 長安道

胡風激秦樹賤子風中泣家家朱門開得見不  
可人長安十二衢換樹鳥亦急高閣何人家笙  
簧正喧吸

### 送遠吟

河水昏復晨河邊相送頻離盃有淚飲別柳無  
枝春一笑忽然歛萬愁俄已新東波與西日不  
惜遠行人

### 古薄命妾

不惜十指絃為君千萬彈常恐新聲至坐使一作

我故聲一作殘棄置今日悲即是昨日歡將新

變故易持一作變故為新難青山有蘼蕪蕪葉長

不乾空令後代一作世人採掇幽思一作思攢一作幽蘭

古離別一作對景惜別

松山雲繚繞萍路水分離雲去有歸日水分無

合時春芳役雙眼春色柔四支楊柳織別愁千

條萬條絲

古樂府雜怨三首

憶人莫至悲至悲空自衰寄人莫剪衣剪衣未

必歸朝為雙蒂花暮為四散飛花落却遶樹遊

子不顧期

夭桃花清晨遊女紅粉新夭桃花薄暮遊女紅

粉故樹有百年一作度花人無一定顏花送人老

盡人悲花自閑

貧女鏡不明寒花日一作日花少容暗蚤有虛織短

線無長縫浪水不可照狂夫不可從浪水多散

影狂夫多異蹤持此一生薄空成萬一作百恨濃

靜女吟

艷女皆妬色靜女獨檢蹤任禮耻任粧嫁德不  
嫁容君子易求聘小人難自從此志誰與諒琴  
絃幽韻重

歸信吟

一身  
淚墨洒為書將寄百里親書去竟亦去兀然空

山老吟

不行山下地唯種山上田耨斧斫旅松手瓢汲

家泉詎知文字力莫記日月遷蟠木為我身始  
得全天年

遊子吟

慈母手中線遊子身上衣臨行密密縫意恐遲  
遲歸誰言一作難將寸草心報得三春暉

小隱吟

我飲不在醉我歡長寂然酌溪四五盞聽彈兩  
三絃鍊性靜棲白一作日洗情深寄玄一作塞淵號怒  
路傍子貪敗不貪全



苦寒吟

天色寒青蒼北風叫枯桑厚冰無裂文短日有  
冷光敲日不得火壯陰正奪陽調苦竟何言凍  
吟成此章

猛將吟

擬膾樓蘭肉一作蓄怒時未揚秋輦無退聲夜  
斂不隱光虎隊不驅出豹篇心卷藏古今皆有  
言猛將出北方

傷哉吟

衆毒蔓貞松一枝難久榮豈知黃庭客仙骨生  
不成春色捨芳蕙秋風遶枯莖彈琴不成曲始  
覺知音傾館月改舊照吊賓寫餘情還舟空江  
上波浪送銘旌

古外

試妾與君淚兩處滴池水看取芙蓉花今年為  
誰死

湘絃怨

昧者理芳草蒿一作蕭蘭同一鋤狂一作育颺怒一作

怨秋林曲直同一枯嘉木一作禾忌深壺哲人悲

巧誣靈均入迴流斬尚為良謨我願分衆杲清

濁各異一作有渠我願分衆巢梟鸞相遠居此志

諒難保此情竟何如湘絃少知意孤響空踟躕

楚竹吟酬盧虔端公見和湘絃怨

握中有新聲楚行人未聞識音者謂誰清一作靜

夜吹贈君昔為瀟湘引曾動瀟湘雲一叫鳳改

聽用驚鶴失一作出群江花匪秋落山日當晝曛

衆濁響雜沓孤清思氛氲欲知怨有一作者形願

向明月分一掬靈均淚千年湘水文

遠愁曲

颼颼何所從遺塚行未逢東西不見人哭一作泣

向青青松此地有時盡此哀無處容聲翻太白

雲淚洗藍田峯水涉七八曲山一作石登千萬重

願迴玄夜月一作靈出視白日蹤

貧女詞寄從叔先輩簡

蝨一作貧女非不動今年獨無春二月冰雪深死

盡萬木身時令自逆行造化豈不仁仰企碧霞

仙高控滄海雲永別勞苦場颼颼遊無垠

邊城吟

西城近日天

一作西城  
近水天

俗稟氣候偏行子獨自

渴主人仍賣泉燒烽碧雲外牧馬青坡巔何處

作幽夢歸思寄仰

一作眠  
酒

新平歌送許問

邊柳三四尺暮春

一作暮春  
莫奏

離別歌早迴儒士駕莫

飲土番河誰識匣

一作匣  
篋

中寶楚雲章句多

殺氣不在邊

殺氣不在邊凜然中國秋道險不在山平地有  
摧輶河南又起兵清濁俱鑠流豈唯私客難擁  
滯官行舟况余隔晨昏去家成阻脩忽然兩鬢  
雪固是一日愁獨寢夜難曉起視星漢浮涼風  
蕩天地日夕聲颼颼萬物無少色兆人皆老憂  
長策苟未立丈夫誠可羞靈響復何事劔鳴思  
戮讎

結愛

心心復心心結愛務在深一度欲離

一作言

別千

迴結衣襟結妾獨守

一作棲

志結君早歸意始知

結衣裳不如結心腸坐結行亦結結盡百年月

### 絃歌行

驅儼擊鼓吹長笛瘦鬼染面惟齒白暗中翠翠

拽茅鞭僕足朱禪

一作禪

行戚戚相顧笑聲衝庭

燎桃弧射矢時獨叫

### 覆巢行

荒城古木枝多枯飛禽嗷嗷朝哺鷓枝傾巢覆

鷓墜地鳥鳶下啄更相呼陽和發生均孕育鳥

獸有情知不足枝危巢小風雨多未容長成已

先覆靈枝珍木滿上林鳳巢阿閣重且深爾今

所託非本地鳥鳶何得同

一作知

爾心

### 出門行

二首

長河悠悠去無極百齡同此可歎息秋風白露

沾人衣壯心凋落奪

一作舊

顏色少年出門將訴

誰川無梁兮路無岐一聞陌上苦寒奏使我佇

立驚且悲君今得意厭梁肉豈復念我貧賤時

海風蕭蕭天雨霜窮愁獨坐夜何長驅車舊憶

太行險始知遊子悲故鄉美人相思隔天闕長  
望雲端不可越手持琅玕欲有贈愛而不見心  
斷絕南山峩峩白石爛碧海之波浩漫漫參辰  
出沒不相待我欲橫天無羽翰

湘妃怨 一作湘靈祠

南巡竟不返二妃怨 一作悲 逾積萬里喪蛾眉瀟  
湘水空碧冥冥荒山下古廟收貞魄喬木深青  
春清光滿 一作蕭 瑤席擗芳徒有 一作自 薦靈意殊  
脉脉玉佩不可親徘徊煙波夕

巫山曲

巴江上峽重復重陽臺碧峭十二峰荆王獵時  
逢暮雨夜卧高丘夢神女輕紅流煙濕艷姿行  
雲飛去明星稀目極竟斷望不見猿啼三聲淚  
滴衣

巫山高

見盡數萬里不聞三聲猿但飛蕭蕭雨中有亭  
亭竟千載楚襄恨遺文宋玉言至今晴明天 一作  
青冥 雲結深閨門

楚怨

秋入楚江水獨照汨羅冤  
手把綠荷泣意愁珠  
淚翻九門不可入一犬吠千門

塘下行

塘邊日欲斜年少早還家  
徒將白羽扇調妾木  
蘭花不是城頭樹那棲來去鴉

臨池曲

池中春蒲葉如帶紫菱成角蓮子大  
羅裙蟬鬢  
寄迎風雙雙伯勞飛向東

車遥遥

路喜到江盡江上又通舟  
舟車兩無阻何處不  
得遊丈夫四方志女子安可留  
卽自別日言無  
令生遠愁旅鴈忽叫月斷猿寒啼秋  
此夕夢君  
夢君在百一作北城樓寄淚無因波寄恨無因  
願為馭者手與卽迴馬頭

征婦怨

四首

良人昨日去明月又不圓  
別時各有淚零落青  
樓前

君淚濡羅巾妾淚滿路塵羅巾長在手今得隨  
妾身路塵如得風得上君車輪

漁陽千里道近如中門限中門踰有時漁陽長  
在眼

生在綠

一作絲

羅下不識漁陽道良人自戍來夜

夜夢中到

### 空城雀

一雀入官倉所食寧損幾祗慮往覆頻官倉終  
害爾魚網不在天鳥羅不張水飲啄要自然可

### 以空城裏

閑怨

一作閨怨

妾恨比班竹下盤煩冤根有筍未出土中已含  
淚痕

### 羽林行

朔雪寒斷指朔風勁裂冰胡中射鵬者此日猶  
不能翩翩羽林兒錦臂飛蒼鷹揮鞭快白馬走  
出黃河凌

### 古意

河邊織女星河畔牽牛郎未得渡清淺相對遙  
相望

古別離

欲別牽郎衣郎今到何處不恨歸來遲莫向臨  
叩去

遊俠行

壯士性剛決火中見石裂殺人不用頭輕生如  
斲別豈知眼有淚肯白頭上髮平生無恩酬劍  
關一百月

黃雀吟

黃雀舞承塵倚恃主人仁主人忽不仁買彈彈  
爾身何不遠飛去蓬蒿正繁新蒿粒無人爭食  
之足為珍莫覩翻車粟覩翻罪有因黃雀不知  
言贈之徒慙慙

有所思

桔槔烽火晝不滅客路迢迢信難越古鎮刀橫  
萬片霜寒江浪起千堆雪比時西去定如何空  
使南心遠淒切



求仙曲

仙教生為門仙宗靜為根持心若妄求服食安  
足論鏗惑有靈藥餌真成本源自當出塵網馭  
鳳登崑崙

嬋娟篇

花嬋娟泛春泉竹嬋娟籠曉烟妓嬋娟不長妍  
月嬋娟真可憐夜半姮娥朝太一人間本自無  
靈匹漢宮承寵不多時飛鸞婕妤相妬嫉

南浦篇

南浦菖花亞水紅水邊柳絮由春風鳥鳴嘒嘒  
煙濛濛自從遠送對悲翁此翁已與少年別唯  
憶深山深谷中

清東曲

櫻桃花參差香雨紅霏霏一笑競攀折美人濕  
羅衣采采清東曲明眸艷珪玉青巾編上郎上  
下看不足南陽公晉詞編入新樂錄



國家圖書館, NATIONAL CENTRAL LIBRARY, TAIWAN, R.O.C.



孟東野詩集卷第二

唐山南西道節度叅謀試大理評事武康孟郊著  
明進士文林郎知武康縣事無錫秦禾重刻

曾孫秦伯欽藏板

樂府下

織婦辭

夫是田中郎妾是田中女當年嫁得君爲君秉  
機杼筋力日已疲不息窓下機如何織紉素自  
着藍縷衣官家榜村路更索栽桑樹

古意

蕩子守邊戍佳人莫相從去來年月多苦愁改  
形容上山復下山踏草成古蹤徒言採靡蕪十  
度不一逢鑒獨是明月識志唯寒松井桃始開  
花一見悲萬重人顏不再春桃色有再濃指氣  
入空房無慘乍從容啓貼理針線非獨學裁縫  
手持未染綵繡為白芙蓉芙蓉無染汚將以表  
心素欲寄未歸人當春無信去無信反增愁愁  
心緣隴頭願君如隴水冰鏡水還流宛宛青絲  
繩纖纖白玉鈎玉鈎不虧缺青絲無斷絕迴還  
勝雙手解盡心中結

折楊柳 二首

楊柳多短枝短枝多別離贈遠累攀折柔條安  
得垂青春有定節離別無定時但恐人別促不  
怨來遲遲莫言短枝條中有長相思朱顏與綠  
楊併在別離期

樓上春風過風前楊柳歌枝踈綠別苦曲怨為  
年多花驚燕地雲葉映楚池波誰堪別離此征

戍在交河

和丁助教塞上吟

哭雪復吟雪廣文丁夫子江南萬里寒曾未及  
如此整頓氣候誰言從生靈始無令惻隱者哀  
哀不能已

古怨別

颼颼秋風生愁人怨離別含情兩相向欲語氣  
先咽心曲千萬端悲來却難說別後唯所思天  
涯共明月

古別曲

山川古今路縱橫無斷絕來往天地間人皆有  
離別行衣未束帶中腸已先結不用看鏡中自  
知生白髮欲陳去留意聲向言前咽愁結填心  
胃茫茫若爲一作君說荒郊煙莽蒼曠野風淒切  
處處得相隨人那不如月

樂府戲贈陸大夫十二丈三首

蓮子不可得荷花生水中猶勝道傍柳無事一作

時蕩春風

渌萍與荷葉同此一水中風吹荷葉在渌萍西  
復東

蓮葉未開時苦心終日卷春水一作徒蕩漾荷  
花未開展

戲荅

陸長源

芙蓉初出水菡萏露中花風吹著枯木無柰值  
空槎

勸善吟

醉會中贈郭行餘

瘦郭有志氣相衰老龍鍾勸我少吟詩俗窄難

爾容一口百味別况在醉會中四座正當喧片  
言何由通顧余昧時調居止多踈慵見書眼始  
開聞樂耳不聰視聽不相隔一身且莫同天疾  
難自醫詩僻將何攻見君如見書語善千萬重  
自悲咄咄感變作煩惱翁煩惱不可欺一作不可欺古  
劍古劍澁亦雄知君方少年少年懷古風藏書  
拄屋脊不借與凡聾我願拜少年師之學崇崇  
從他笑為矯矯善亦可宗

望夫石

望夫石夫不來兮江水碧行人悠悠朝與暮千  
年萬年色如故

寒江吟

冬至日光白始知陰氣凝寒江波浪凍一作急千

里無平冰飛鳥絕高羽一作樹行人皆晏興荻洲

素浩渺碕岸淅礮烟舟忽自阻風帆不相乘  
何況異形體信任為股肱涉江莫涉凌得意頃  
得朋結交非賢良誰免生愛憎凍水有再浪失  
飛有載騰一言縱醜詞萬響無善應取鑒諒不

遠江水千萬層何當春風吹利涉吾道弘

感興上

審交

種樹須擇地惡土變木根結交若失人中道生  
謗言君子芳桂性春榮冬更繁一作春濃小人

槿花心朝在夕不存莫躡冬冰堅中有潛浪翻

唯當金石交可以一作與賢達論

怨別

一別一迴老志士白髮早在富易為容居貧難

自好沉憂損性靈服藥亦枯槁秋風遊子衣落  
日行遠道君問去何之一作去賤身難一作寧自  
保

百憂

萱草女兒花不解壯士憂壯士心是劍為君射  
斗牛朝思除國讎一作難暮思除國讎計盡山河  
畫意窮草木籌智士日千慮愚夫唯四愁何必  
在波濤然後驚一作生沉浮伯倫心不醉四皓迹  
難留出處各有時衆議徒啾啾

路病

病客無主人艱哉求卧難飛光赤道路內火焦  
肺肝欲飲井泉竭欲醫囊用單稚顏能幾日壯  
志忽已殘人子不言苦歸書但云一作言安愁環  
在我腸宛轉終無端

衰松

近世交道衰青松落顏色人心忌孤直木性隨  
改易既摧栖日榦未展擎天力終是君子材還  
思君子識



遺興

絃貞五條音

一作五音調

松直百尺心貞絃含古風

直松凌高岑浮聲與狂葩胡為欲相侵

退居

一作退老

退身何所食敗力不能閑種稻耕白水負薪斫

青山衆聽喜巴唱獨醒愁楚顏日暮靜歸時幽

幽扣松關

卧病

貧病誠可羞故床無新裘

一作貧病對客羞數整舊樓裘

春色

燒肌膚時殮苦咽喉倦寢意蒙昧強言聲幽柔

承顏自俛仰有淚不敢流默默寸心中朝愁續

暮愁

隱士

本末一相返漂浮不還真山野多餒士市井無

飢人虎豹忌當道麋鹿知藏身奈何貪競者日

與患害親顏貌歲歲改利心朝朝新孰知富生

禍取富不取貧寶玉忌出璞出璞先為塵松栢

忌出山出山先為薪君子隱石壁道書為我鄰

寢興思其義澹汨味始真陶公自放歸尚平去  
有依草木擇地生禽鳥順性飛青青與冥冥所  
保各不違

獨愁

一作獨怨

前日遠別離昨日生白髮欲知萬里情曉卧半  
床月常恐百蟲鳴使我芳草歇

春日有感

雨滴草芽出一日長一日風吹柳線垂一枝連  
一枝獨有愁人顏經春如等閑且持酒滿盃狂

狂笑來

將見故人

佳人季夏中及此百餘日無日不相思明鏡改  
形質寧知仲冬時忽有相逢期振衣起躑躅頰  
鯉曜天池

傷時

常聞貧賤士之常咨爾富者莫相笑男兒得路  
即榮名邂逅失途成不調古人結交而重義今  
人結交而重利勸人一種種桃李種亦直須遍

天地一生不愛囑人事囑即直須為生死我亦  
不羨李倫富我亦不笑原憲貧有財有勢即相  
識無財無勢同路人因知世事皆一作如此却  
向夷溪卧白雲

寓言

誰言碧山曲不廢青松直誰言濁水泥不汚明  
月色我有松月心俗騁風霜力貞明既如此摧  
折安可得

偶作

利劔不可近美人不可親利劔近傷手美人近  
傷身道險不在廣十步能摧輪情憂一作不在  
多一夕能傷神

勸學

擊石乃有火不擊元無煙人學始知道不學非  
自然萬事須已運他得非我賢青春須早為豈  
能長少年

贈農人

勸爾勤耕田盈爾倉中粟勸爾伐桑株減爾身

上服清霜一委地萬草色不綠狂飈一入林萬  
葉不着木青春如不耕何以自結束

長安早春

旭日朱樓光東風不驚一作塵公子醉未起美  
人爭探春探春不為桑探春不為麥日日出西  
園祇望花柳色乃知田家春不入五侯宅

罪松

雖為青松姿霜風何所宜二月天下樹綠於青  
松枝勿謂賢者諭勿謂愚者規伊呂代封爵夷  
齊終身飢彼曲既在斯我正實在茲涇流合渭  
流清濁各自持天令設四時榮衰有常期榮合  
隨時榮衰合隨時衰天令既不從甚不敬天時  
松乃不臣木青青獨何為

感興

拔心草不死去根柳亦榮獨有失意人恍然無  
力行昔為連理枝今為斷絃聲連理時所重斷  
絃今所輕吾欲進孤舟三峽水不平吾欲載車  
馬太行路崢嶸萬物根一氣如何不相傾

感懷 八首

秋氣悲萬物驚風振長道登高有所思寒雨傷  
百草平生有親愛零落不相保五情今已傷安  
得自能老

晨登洛陽坂目極天茫茫群物歸大化六龍頽  
西荒豺狼日已多草木日已霜飢年無遺粟衆

馬

一作鳥

去空場路傍誰家子白首離故鄉含酸

望松栢仰面訴穹蒼去去勿復道苦飢形貌傷  
徘徊不能寐耿耿含酸辛中夜登高樓憶我舊

星辰四時不遷移萬物何時春唯憶首陽路永  
謝當時人

長安嘉麗地宮月生蛾眉陰氣凝萬里坐看芳  
草衰玉堂有玄鳥亦以從此辭傷哉志士嘆故  
國多遲遲深宮豈無樂擾擾復何為朝見名與  
利暮還生是非一作是與非姜牙佐周武世業永魏

魏

舉才天道親首陽誰採薇去去荒澤遠落日當  
西歸羲和駐其輪四海借餘暉極目何蕭索驚

風正離披鴉鳴高樹衆鳥相因依東方有一  
士歲暮常苦飢主人數相問脉脉今何為貧賤  
亦有樂且願掩一作柴扉  
火雲流素月三五何明明光曜侵白日賢愚迷  
至精四時更變化天道有虧盈常恐今已沒須  
更還復生

河梁暮相遇草草不復言漢家正離亂王粲別  
荆蠻野澤何蕭條悲風振空山舉頭是星辰念  
我何時還親愛久別散形神各離遷未為死生

訣長在心目間

有鳥東西來哀鳴過我前願飛浮雲外飲啄見  
青天

達士

四時如逝水百川皆東流青春去不還一作白  
髮鑷更多達人識元氣一作化變愁為高歌傾產

取一醉富者柰貧何君看土中宅富貴無偏頗

暮秋感思 二首

西風吹垂楊條條脆如藕上有噪日蟬催人成

皓首亦恐旅步難何獨朱顏醜一作朽欲慰一時心莫如千日酒

優哉遵渚鴻自得養生旨不啄太倉粟不飲方塘水振羽戛浮雲置羅任徒爾

### 古興

楚血未乾衣荆虹尚埋輝痛玉不痛身抱璞求所歸

### 勸友

至白涅不緇至交淡不疑人生靜躁殊莫馱相

歲規膠漆武可接金蘭文可思堪嗟無心人不  
如松栢枝一作青松姿

### 夷門雪贈主人

夷門貧士空吟雪夷洲豪士皆飲酒酒聲歡閑  
入雪銷雪聲激切悲枯朽悲歡不同歸去來萬  
里春風動江柳

### 答

陸長源

好丹與素通不同失意得途事皆別東隣少年  
樂未央南客思歸腸欲絕千里長河冰復冰雲

鴻冥冥楚山雪

堯歌

二首一作舜歌前篇賞鄭氏莊容去婦後篇題逸

爾室何不安爾孝無與齊一言應對姑一度爲  
出妻往轍才晚鍾還轍及晨鷄往還跡徒新很  
戾竟獨迷娥女無禮數污家如糞泥父母吞聲  
瘦禽鳥亦爲啼如何天與惡不得和鳴栖

山色挽心肝將歸盡日看村肩藍輦子野坐白

髮官

一作冠

鷲弄方短短花明碎攢攢瑠璃堆可

掬琴瑟饒多歡翠韻仙竊飛嵐漪出無端養

洞庭秋響谷虛吹彈





孟東野詩集卷第三

唐山南西道節度叅謀試大理評事武康孟郊著  
明進士文林郎知武康縣事無錫秦禾重刻

曾孫秦伯欽藏板

感興下

亂離

天下無義劍中原多瘡痍  
哀哀陸大夫正直神  
反欺子路已成血  
嵇康今尚嗤  
爲君每一慟如  
劍在四肢折羽不復飛  
逝水不復歸  
直松摧高

五里詩集卷之三  
柯弱蔓將何依朝爲春日歡夕爲秋日悲淚下  
無尺寸紛紛天雨絲積怨成疾疢積恨成狂癡  
怨草豈有邊恨水豈有涯怨恨馳我心茫茫日  
何之

勸酒

白日無定影清江無定波人無百年壽百年復  
如何堂上陳美酒堂下列清歌勸君金屈卮勿  
謂朱顏醜松柏歲歲茂丘陵日日多君看終南  
山千古青峩峩

去婦

君心匣中鏡一破不復全妾心藕中絲雖斷猶  
牽連安知御輪士今日翻迴轅一女事一夫安  
可再移天君聽去婦言哀哀七一作上絲絃

君子勿鬱鬱士有謗毀者作詩以贈之二  
首

君子勿鬱鬱聽我青蠅歌人間少平地森聳山  
岳多折軸不在道覆舟不在河湏知一尺水日  
夜增高波叔孫毀仲尼臧倉掩孟軻蘭艾不同

香自然難為和良玉燒不熱直竹文不頗自古  
皆如此其如道在何

日往復不見秋堂暮仍學玄髮不知白曉入寒  
銅覺為林未離樹有玉猶在璞誰把碧梧枝刻  
作雲門樂

聞砧

杜鵑聲不哀斷猿啼不切月下誰家砧一聲腸  
一絕杵聲不為客客聞髮自一作盡白杵聲不為  
衣欲令遊子歸

遊子

萱草生堂堦遊子行天涯慈親倚堂門不見萱  
草花

自歎

愁與髮相形一愁白數莖有髮能幾多禁愁日  
日生古若不置兵天下無戰爭古若不置名道  
路無歆傾太行聳巍嵒是天產不平黃河奔濁  
浪是天生不清四蹄日日多雙輪日日成二物  
不在天安能免營營

五東里詩集卷之三  
求友

北風臨大海堅兵臨河面下有  
大波瀾對之無由見求友須在  
良得良終相善求友若非良非  
良中道變欲知求友心先把黃  
金鍊

投所知

苦心知苦節不容一毛髮鍊金  
索堅貞洗玉求明潔自慙所業  
微功用如鳩拙何殊嫫母顏對  
彼寒塘月君存古人心道出古  
人轍盡美固可片善亦不遏朝  
向公卿說暮向公卿說誰謂

黃鍾管化爲君子舌一說清嶰竹  
二說變嶰谷三說四說時寒花  
拆寒木曄曄家道路燦燦我衣服  
豈直輝友朋亦用慰骨肉一暖荷  
足素一飽荷升粟而况大恩恩此  
身報得足且將食璧勞酬之作金  
刀

病客吟

主人夜呻吟皆入妻子心遠客  
客一字畫呻吟徒爲蟲鳥音  
妻子手中病愁思不復深僮僕  
手中病憂危獨難任丈夫久漂  
泊神氣自然沉况於

滯疾中何人免嗟歎大海亦有涯高山亦有岑  
沉一作此憂獨無極塵淚互盈襟

感懷

孟冬陰氣交兩河正屯兵煙塵相馳突烽火日  
夜驚太行險阻高輓粟輸連營柰何操孤者不  
使梟巢傾猶聞漢北兒怙亂謀縱橫擅搖干戈  
柄呼呌豺狼聲白日臨爾軀胡為喪丹誠豈無  
感激士以致天下平登高望寒原黃雲鬱崢嶸  
坐馳悲風暮歎息空沾纓

離思

不寐亦不語片月秋稍舉孤鴻憶霜群獨鶴叫  
雲侶怨彼浮花心飄飄無定所高張係綵帆遠  
過梅根渚迴織別離字機聲有酸楚

結交

鑄鏡湏青銅青銅易磨拭結交遠小人小人難  
姑息鑄鏡圖鑑微結交圖相依凡銅不可照小  
人多是非

傷春

兩河春草海水清十年征戰城郭腥亂兵殺兒  
將女去二月三月花冥冥千里無人旋風起鷺  
啼鶯語荒城裏春色不揀墓傍枝紅顏皓色逐  
春去春去春來那得知今人看花古人墓令人  
惆悵山頭路

擇友

獸中有人性形異遭人隔人中有獸心幾人能  
真識古人形似獸皆有大聖德今人表似人獸  
心安可測雖笑未必和雖哭未必戚面結口頭  
交肚裏生荆棘好人常直道不順世間逆惡人  
巧諂多非義苟且得若是做真人堅心如鐵石  
不諂亦不欺不奢復不溺面無愴色容心無詐  
憂惕君子大道人朝夕恒的的

夜憂

豈獨科斗死所嗟文字捐蒿蔓轉驕弄菱荇戒  
嬋娟未遂擺鱗志空思吹浪旋何當再霖雨洗  
濯生華鮮

惜苦

于鵠值諫議以毬不能官焦蒙值舍人以盃不

得完一作官可惜大雅旨意此小團藥名迴不敢

辨心轉寔是難不惜為君轉轉非君子觀轉之

復轉之強轉誰能歡哀哉虛轉言不可窮波瀾

寒地百姓吟為鄭相其年居河南畿內百姓大蒙矜卹

無火炙地眠半夜皆立號冷箭何處來棘針風

駭勞一作駭霜吹破四壁苦痛不可逃高堂槌鍾

飲到曉聞烹炮寒者願為蛾燒死彼華膏華膏

隔仙羅虛遠千萬遭到頭落地死踏地為遊遨

遊遨者是誰君子為鬱陶

出東門

餓馬骨亦聳獨驅出東門少年一日程衰叟十

日奔寒景不我為疾走落平原眇默荒草行恐

懼夜鬼翻一生自組織千首大雅言道路如抽

蚕宛轉羈腸繁

教坊歌兒

十歲小小兒能歌得聞一作朝天六十孤老人能

詩獨臨川去年西京寺眾伶集講筵能嘶竹枝



詞供養繩床禪能詩不如歌悵望三百篇

訪疾

冷氣入瘡痛夜來痛如何瘡從公怒生豈以私  
恨多公怒亦非道怒消乃天和古有煥輝句嵇  
康關婆婆請君吟嘯之正氣庶不訛

酒德

酒是古明鏡輾開小人心醉見異舉止醉聞異  
聲音酒功如此多酒屈亦以深罪人免罪酒如  
此可為箴

冬日

老人行人事百一不及周凍馬四蹄吃陟卓難  
自收短景仄飛過午光不上頭少壯日與輝衰  
老日與愁日愁疑在日歲箭迸如讎萬事有何  
味一生虛自囚不知文字利到死空遨遊

飢雪吟

飢鳥夜相啄瘡聲不悲鳴冰腸一直刀天殺無  
曲情大雪壓梧桐折柴墮崢嶸安知鸞鳳巢不  
與臯鳶傾下有幸災兒拾遺多新爭但求彼失

所但誇此經營一作誇誕君子亦拾遺拾遺非

拾名將補鸞鳳巢免與梟鳶并因為飢雪吟至

曉竟一作不平

偷詩

餓犬齧枯骨自喫饒飢涎今文與古文各各稱  
可憐亦如嬰兒食錫桃口旋旋唯有一點味豈  
見逃景延繩床獨坐翁默覽有所傳謬當罷文  
字別著逍遙篇從來文字淨君子不以賢

晚雪吟

貧富喜雪晴出門意皆饒鏡海見織悉冰天步  
飄颻一一仙子行家塵聲銷小兒繫玉指大  
耄歌聖朝睿氣流不盡瑞仙何曼寥始知望幸  
色終疑異禮招市井亦清潔閭閻聳峇堯蒼生  
願東顧翠華仍西遙天念豈薄厚宸衷多憂焦  
憂焦致太平以茲時比堯古耳有未通新詞有  
潛韶甘為酒伶擯坐耻歌女嬌選音不易言裁  
正逢今朝今朝前古文律異同一調願於堯瑄  
中奏盡鬱抑謠

自惜

傾盡眼中力抄詩過與人自悲風雅老恐被巴  
竹嗔零落雪文字分明鏡精神坐甘冰抱晚永  
謝酒懷春徒有言言舊慙無默默新始驚儒教  
誤漸與佛乘親

老恨

無子抄文字老吟多飄零有時吐向床枕席不  
解聽鬪蟻甚微細病聞亦清冷小大不自識自  
然天性靈

詠懷上

湖州取解述情

雪水徒清深照影不照心白鶴未輕舉衆鳥爭  
浮沉因茲桂一作柱帆去遂作歸山吟

落第

曉月難爲光愁人難爲腸誰言春物榮豈一作起  
見葉上霜一作獨見鷓鴣一作鶴失勢病一作飛  
鷓鴣假一作改翼翔棄置復棄置情如刀刃傷

詠懷一作感寓

濁水心易一作已傾明波興初發思逢海底人乞  
取蚌中月此興若未諧此心終不歇

病起言懷

強行尋溪一作中水洗却殘病姿花景晚晚盡麥  
風清冷吹交道卧來見世情貧去知高閑思楚  
逸澹泊一作淺薄猷齊兕終伴碧山侶結言青桂枝

秋夕貧居述懷

卧冷無遠夢聽秋酸別情高枝低枝風千葉萬  
葉聲淺井不供飲瘦田長廢耕今交非古交貧

語聞皆輕

夜感自遣

一作失志夜坐思歸  
楚江又作苦學吟

夜學曉未休苦吟神鬼愁如何不自閑心與身  
為讎死辱片時痛生辱長年羞清桂無直枝碧  
江思舊遊

再下第

一夕九起嗟夢短不到家兩度長安陌空將淚  
見花

下第東歸留別長安知己

共照日月影獨為愁思一作離恨人豈知鷓鴣鳴一作

鷓鴣等開鳴 瑶草不得春一片兩片雲千里萬里身

雲歸嵩之陽身寄江之濱棄置復何道楚情吟

白蘋

失意歸吳因寄東臺劉復侍御

自念西上身忽隨東歸風長安日下影又落江

湖中離婁豈不明子野豈不聰至寶非眼別至

音非耳通因緘俗外詞一作物外詞仰一作遠寄

高天一作飛鴻

下第東南行

越風東南清楚日瀟湘明試逐伯鸞去還作靈

均行江離伴一作待我泣海月投人驚失意容貌

改畏塗性命輕時聞喪侶徠一叫千愁并一作生

歎命

三十年来命唯臧一卦中題詩怨問易一作還怨問

易蒙復蒙本望文字達今因文字窮影孤別離

月衣破道路風歸去不自息耕耘成楚農

遠遊

慈烏不遠飛孝子念先歸而我獨何事四時心  
有遣江海戀空積波濤信來稀長為路傍食着  
盡家中衣別一作烈不割物離人難作威遠行  
少童僕驅使無是非為性玩好盡積愁心緒微  
始知時節駛愛一作夏日非長輝

商州客舍

商山風雪壯遊子衣裳單四望失道路百憂攢  
肺肝日短覺易老夜長知至寒淚沅瀟湘絃調  
苦屈宋彈識聲今所易識意古所難聲意今詎

辨一作竟高明鑒其端

長安旅情

盡說青雲路有足皆可至我馬亦四蹄出門似  
無地玉京十二樓戔戔倚青翠下有千朱門何  
門薦孤士

長安羈旅

聽樂離別中聲聲入幽腸曉淚滴楚瑟夜魂遶  
吳鄉幾迴羈旅情夢覺殘燭光

渭上思歸

獨訪千里信迥臨千里河家在一作吳楚鄉淚

寄東南一作流波

登科後

昔日齷齪不足誇今朝放蕩思無涯一作今日坦然未可

涯春風得意馬蹄疾一日看盡長安花

初於洛中選

塵土日易沒驅馳力無餘青雲不我與白首方  
選書宦途事非遠拙者取自踈終然戀皇邑誓  
以結吾廬帝城富高門京路饒勝居碧水走龍

狀

一作


蜿蜒遶庭除尋常異方客過此亦踟躕

乙酉歲舍第扶侍歸興義莊居後獨止舍  
待替人

誰言舊居止主人忽成客僮僕強與言相懼終  
脉脉出亦何所求入亦何所索飲食迷精麤衣  
裳失寬窄迴風卷門簾新月生空壁士有百役  
身官無一姓宅丈夫耻自飾衰鬢從颯白蘭交  
早已謝榆景徒相迫惟予中心鏡不語光歷歷  
西齋養病夜懷多感因呈上從叔子雲

遠客夜衣薄，獸眠待鷄鳴。  
一床空月色，四壁秋蛩聲。  
守淡遺衆俗，養痾念餘生。  
方全君子拙，耻學小人明。  
蚊蚋亦有時，羽毛各有成。  
如何騏驥跡，蹉跎未能行。  
西北有平路，運來無相輕。

孟東野詩集卷第三





孟東野詩集卷第四

唐山南西道節度叅謀試大理評事武康孟郊著  
明進士文林郎知武康縣事無錫秦禾重刻

曾孫秦伯欽錄藏板

詠懷下

秋懷十五首

孤骨夜難卧吟蟲相唧唧老泣無涕洟秋露爲  
滴瀝去壯暫如剪來衰紛似織觸緒無新心叢  
悲有餘憶詎忍逐南帆江山踐往昔

五言詩集卷之四  
一

去聲

秋月顏色冰

梳骨寒席上印病文腸中轉愁盤疑懷無所憑

虛聽多無端梧桐枯嶂嶸聲響如哀彈

一尺月透戶乞粟如劍飛老骨坐亦驚病力所

尚微蟲苦貪

一作

夜色鳥危巢焚輝孀娥理故

絲

一作

煩緒

孤哭

一作

坐

抽餘噫浮年不可追衰步多

夕歸

秋至老更貧破屋無門扉一片月落牀四壁風

入衣踈夢不復遠弱心良易歸商葩將去

一作

老

綠繚繞爭餘輝野步踏

一作

賤

事少病謀向物遠

幽幽草根蟲生意與我微

竹風相戛語幽閨暗中聞鬼神滿衰聽恍惚難

自分商葉隨乾雨秋衣卧單雲病骨可剗物酸

呻亦成文瘦攢如此枯壯落隨西曛裊裊一線

命徒言繫網緼

老骨懼秋月秋月刀劒稜纖威

一作

輝

一作

不可干冷

冤坐自凝羈雌巢空鏡仙飈蕩浮冰驚步恐自

翻病大不敢凌單床寤皎皎瘦卧心兢兢洗河

不見水透濁為清澄詩壯昔空說詩衰今何憑

老病

一作危疾

多異慮朝夕非一心商蟲哭衰運繁

響不可尋秋草瘦如髮貞芳綴踈金晚鮮詎幾

時馳景還易陰弱習徒自耻暮知欲何任露才

一見讒潛智早已深防深不防露此意古所箴

歲暮

一作晏

景氣乾秋風兵甲聲織織勞無衣嚶

嚶徒自鳴商聲聳中夜寒支廢前行青髮如秋

園一剪不復生少年如餓花瞥見不復明君子

山岳定小人絲毫爭多爭多無壽天道戒其盈

冷露多瘁索枯風饒吹嗟秋深月清苦蟲老聲

麤踈頽珠枝纍纍芳金蔓舒舒草木亦趣時寒

榮似春餘自悲

一作悲彼

零落生與我心何如

老人朝夕異生死每日中坐隨一啜安卧與萬

景空視短不到門聽澁詎逐風還如刻削形免

有纖悉聰浪浪謝初始皎皎幸歸終孤隔文章

友親密蒿萊翁歲綠閔以黃秋節並已

一作又

窮

四時既相迫萬慮自然叢南逸浩淼際北貧碗

确中曩懷沉遙江衰思結秋嵩鋤食難滿腹葉

衣多醜躬塵縷不自整古吟將誰通幽竹彌鬼神楚鐵生虬龍志生多異感運鬱由邪衷常思書破衣至死教初童習樂莫習聲習聲多頑聾明明胷中言願寫為高崇

幽苦日日甚老力步步微常恐暫下床至門不復歸飢者重一食寒者重一衣泛廣豈無淡恣行亦有隨一作隨時語中失次第身外生瘡痍桂蠹既潛污一作打桂花損貞姿詈言一失香千古聞臭詞將死始前悔前悔不可追哀哉輕薄行終

日與駟馳

一作駟驅馳

流運闇欲盡枯折皆相號棘枝風哭酸桐葉霜顏高老蟲虬鐵鳴驚獸孤玉咆商氣洗一作滿聲瘦晚陰驅景勞集耳不可遏噎神不可逃蹇行散餘鬱幽坐誰與曹抽壯無一線剪懷盈千刀清詩既名眺一作既名眺金菊亦姓陶收拾昔所棄咨嗟今比毛幽幽歲晏言零落不可操霜氣入病骨老人身生冰衰毛暗相刺冷痛不可勝鷲鷲伸至明強強攬所憑瘦坐形欲折晚

五言詩集卷之四  
飢心將崩勸藥左右愚言語如見憎聳耳噎神

開一作聳燕  
神氣開如知功用者一作能日中視餘瘡暗

鑱一作細開繩一作細蠅彼齶一何酷此味半點凝

潛毒爾無馱餘生我堪矜凍飛幸不遠冬令反

心懲出沒各有時寒熱苦一作莫相凌仰謝調運

翁請命願有徵

黃河到上天衆水有却來人心不及水一直去

不迴一直亦有巧不肯至蓬萊一直不知疲唯

聞至省臺忍古不失古失古志易摧失古劒亦

折失古琴亦哀夫子失古淚當時落灌灌詩老

失古心至今寒皚皚古骨無濁肉古衣如蘚苔

勸君勉忍古忍古銷塵埃

詈言一作詈不見血殺人何紛紛聲如窮家犬吠

實何閭閻詈痛幽鬼哭詈侵黃金貧言詞豈用

多憔悴在一聞古詈舌不死至今書云云今人

詠古書善惡宜自分秦火不焚舌秦火空焚文

所以詈更生至今橫網緼

靖安寄居

寄靜不寄華愛茲喘嶮居渴飲濁清泉饑食無

名蔬敗菜一作葉不敢火補衣亦寫書古云儉成

德今乃寔起予慙叟慙不足賢人賢有餘役生

皆促促心竟誰舒舒萬馬踏風衝衆塵隨奔車

高賓盡不見大道夜方虛卧有洞庭夢坐無長

安儲英髦空駭耳煙火獨微如厚念恐傷性薄

田憶親鋤承一作忙世不出力冬竹肯抽薹外物

莫相誘約心誓從初碧芳既似水日日詠歸歟

雪

忽然太行雪昨夜飛入來峻嶒墮庭中巖白何

皚皚奴婢曉開戶四支凍徘徊咽言詞不成告

訴情狀摧官給未入門家人盡以灰意勸莫笑

雪笑雪貧為災將暖此殘疾典賣爭致盃教令

再舉手誇曜餘生才強起吐巧詞委曲多新裁

為爾作非夫忍耻鼻喝雷書之與君子庶免生

嫌猜

春愁

春物與愁客遇時各有違故花辭新枝新淚落

故衣日暮兩寂寞飄然亦同歸

懊惱

惡詩皆得官好詩空抱山抱山冷矻矻終日悲  
顏顏好詩更相嫉劔戟生牙關前賢死已久猶  
在咀嚼間以我殘抄身清峭養高閑求閑未得  
閑衆請瞋競競

遊適上

遊城南韓氏莊

初疑瀟湘水鑱在朱門中時見水底月動搖池

上風

一作有時池底山動搖池上風

清氣潤竹木白光連虛空

浪簇霄漢羽岸芳金碧叢何言數畝間環泛路

不窮願逐

一作常慕

神仙侶飄然

一作從茲

汗漫通

與二三友秋宵會話清上人院

何處山不幽此中情又別一僧敲一磬七子吟  
秋月激石泉韻清寄枝風嘯咽冷然諸境靜頓  
覺浮累滅扣寂兼探真通宵詎能輟

夜集

好鳥無雜棲華堂有嘉雉琴尊不傾奏歌賦相

五言集卷之四  
和諧但嘉魚水合莫令雲雨乖一為雉鷄彈再  
鼓壯士懷初景待誰曉新春逐一作還君來願言  
良友會高駕不知迴

### 招文士飲

曹劉不免死誰敢負年華文士莫辭酒詩人命  
屬花退之如放逐李白自矜夸萬古忽將似一  
朝同歎嗟何言天道正獨使地形斜南士愁多  
病北人悲去家梅芳已流管柳色未藏鴟相勸  
罷吟雪相從愁欲霞醒時不可過愁海浩無涯

### 陪侍御叔遊城南山墅

夜坐擁腫亭晝登崔嵬岑日窺萬峰首月見雙  
泉心松氣清耳目竹氛碧衣襟仁想一作悲琅玕  
字數聽枯槁吟

### 登華嚴寺樓望終南山贈林校書兄弟

地脊亞為崖聳出冥冥中樓根插迴雲殿翼翔  
危空前山胎元氣靈異生不窮勢吞萬象高秀  
奪五岳雄一望俗慮醒再登仙願崇青蓮三居  
士晝景真賞同



遊終南山

南山塞天地日月石上坐高峰夜留景

太白峰西黃昏

後見深谷晝未明山中入自正路險心亦平長

風驅松柏聲拂萬壑清到此悔讀書朝朝近浮

名

遊終南龍池寺

飛鳥不到處僧房終南巔龍在水長碧雨開山

更鮮步出白日上坐依清溪邊地寒松桂短石

險道路一作偏晚磬送歸客數聲落遙天

南易公請東櫻桃亭子春讌

萬木皆未秀一林先含春此地獨何力我公布

深仁霜葉日舒卷風枝遠埃塵初英濯紫霞飛

雨流清津賞異出囂雜折芳積歡忻文心茲烏

重俗尚安能珍碧玉粧粉比飛瓊穠艷均鴛鴦

七十二花態併相新常恐遺秀志逮茲廣讌陳

芳菲爭勝引歌詠竟良辰方知戲馬會永謝登

龍賓

遊華山雲臺觀

華嶽獨靈異草木恒新鮮山盡五色石水無一  
色泉仙酒不醉人仙芝皆延年夜聞明星館時  
韻女蘿絃敬茲不能寐焚栢吟道篇

喜與長文上人宿李秀才小山池亭

燈盡語不盡主人庭砌幽柳枝星影曙蘭葉露  
華浮塊嶺笑群岫一作峯片池輕衆流更聞清淨

子逸唱頗難儔

邀花伴時在朔方

邊地春不足十里見一花及時須遨遊日暮饒

風沙

石淙十首

巖谷不自勝水木幽竒多朔風入空曲涇一作徑

流無大波迢遞逗難盡參差勢相羅雪霜有時

洗塵土無由和潔冷一作結冷誠未厭晚步將如何

出曲水未斷入山深更重泠泠若仙語皎皎多

異容萬響不相雜四時皆自濃日月平分照雲

霞各生峯久迷向方理逮茲聳前蹤

荒策每恣遠躑步難自迴已抱苔蘚疾一作瘦尚

凌潺湲隈驛驥苦銜勒籠禽恨摧頽實力苟未  
足浮誇信悠哉顧惟非時用靜言還自咍

胡水刀劔利秋石瓊瑤鮮魚龍氣不腥潭洞狀

更妍磴雪入呀谷掬星洒遙天聲忙一作怕不及

韻勢疾多斷連輸去雖有恨躁氣一作翻一何顛

蜿蜒相纏掣犖確亦迴旋黑草濯鐵髮白苔浮

冰錢具一作其生此云遙非德不可甄何況被犀

士制之空以權始知靜剛猛文教從來先

空谷聳視聽幽湍澤心靈疾流脫鱗甲壘岸衝

風霆丹巘墮環景霽波灼一作閃虛形淙淙毳厚

軸稜稜攢高冥弱棧跨旋碧危梯倚疑青飄飄

鶴骨仙飛動鼇背庭一作亭常聞誇大言下顧皆

細萍

百尺明劔一作鏡流干曲寒星飛為君洗故物有

色如新衣不飲泥土污但飲雪霜飢石稜玉纖

纖草色瓊霏霏谷磴有餘力溪春亦多機從來

一智萌能使眾利歸因之山水中喧然論是非

入深得竒趣昇險為良躋搜勝有聞見逃俗無

蹤蹊穴流

一作溪

恣迴轉竅景忘東西戇獸鮮猜

懼羅人巧置第幽馳異處所恐慮多端倪虛獲

我何飽實歸彼非迷斯文浪云潔此言誰得齊

屑珠瀉潺湲裂玉何威壞若調千瑟絃未果一

曲諧古駭毛髮慄險驚視聽垂二

一作土

老皆勁

骨風趨緣歌崖地遠有餘

一作遺

美我遊採棄

一作

竒懷乘時辛勤鑿前限多幽霾弱力謝剛健蹇

策貴安排始知隨事靜何必當夕齋

昔浮南渡颺今攀朔山景物色多瘦削吟笑還

孤永日日凍有稜雪霜空無影玉噴不生冰瑤

渦旋成井潛角時聳先隱鱗乍漂罔再吟獲新

勝迓步失前省愜懷雖已多惕慮未能整頽陽

落何處昇晷銜踈嶺

聖朝搜巖谷此地多遺玩怠墮成遠遊頽踈恣

靈

一作虛

觀勁颺刷幽視怒水懾餘湍

一作懦

曾是

結芳一作茅誠遠茲勉流倦冰條聳危慮霜華瑩

遐眄物誘信多端荒尋諒難遍去矣朔之隅脩

然楚之甸

遊帝七洞庭別業

洞庭如瀟湘，疊翠蕩浮碧。松桂無赤日，風物饒  
 清激。逍遙展幽韻，參差逗良覲。道勝不知疲，冥  
 搜自無斃。曠然青霞抱，永矣白雲適。崆峒非凡  
 鄉，蓬瀛在仙籍。無言從遠尚，還思君子識。一作馬  
與之波濤漱古岸，鏗鏘辨竒石。靈響非外求，殊  
 音自中積。人皆走煩濁，君能致虛寂。何以祛擾  
 擾，叩調清淅淅。既懼豪華損，誓從詩書益。一舉  
 獨徃姿，再搖飛遁迹。山深有變異，意慙無驚惕。

采翠奪日月，照曜迷晝夕。松齋何用掃，蘿院自  
 然滌。業峻謝煩蕪，文高追古昔。暫遙朱門戀，終  
 立青史績。物表易淹留，人間重離析。難隨洞庭  
 酌，且醉橫塘席。

越中山水

日一作動覺耳目勝，我來山水州。蓬瀛若髮髯，田  
 野如泛浮。碧嶂幾千迭，清泉一作源萬餘流。  
 莫窮合沓步，孰盡派別遊。越水淨難污，越天陰  
 易收。氣鮮無隱物，目視遠更周。舉俗一作族媚蔥

舊連冬擷芳柔菱湖有餘翠茗圃無荒疇賞異  
忽已遠探竒誠淹留永言終南色去矣銷人憂

春集越州皇甫秀才山亭

沛賓

一作嘉謨  
又作官友

在何處置亭春山巔顧余寂寞

者謬廁芳菲筵視聽日澄澈聲光坐連綿晴湖  
瀉峯嶂翠浪多萍蘚何以逞高志為君吟秋天

一作  
秋篇

和皇甫判官游琅琊溪

山中琉璃境物外琅琊溪房廊逐巖壑道路隨

高低碧瀨漱白石翠煙含青蛻客來暫遊踐意  
欲忘簪珪樹杪燈火夕雲端鍾梵齊時同雖可  
仰跡異難相携唯當清宵夢髣髴願一作攀躋

孟東野詩集卷第四



國家圖書館, NATIONAL CENTRAL LIBRARY, TAIWAN, R.O.C.

丘東里詩集卷之二

孟東野詩集卷第五

唐山南西道節度叅謀試大理評事武康孟郊著  
明進士文林郎知武康縣事無錫秦禾重刻

曾孫秦伯欽藏板

遊適下

汝州南潭陪陸中丞公燕

一雨百泉漲南潭夜來深分明碧沙底寫出青  
天心遠客洞庭至因茲滌煩襟既登飛一作青雲  
舫願奏清風琴高岸立旗戟潛蛟失一作不浮沉



三五里詩集卷之五  
威稜護斯浸，魍魎逃所侵。山態變初霽，水聲流  
新音。耳目極眺聽，潺湲與嶽岑。誰言柳太守，空  
有白蘋吟。

汝州陸中丞席喜張從事至同賦十韻

汝水無濁波，汝山饒竒石。大賢為此郡，佳士來  
如積。有客乘白駒，奉義愜所適。清風蕩華館，雅  
瑟泛瑤席。芳醕靜無喧，金樽光有滌。綴情熟慮  
損，聽論自招益。願折若木枝，却彼曜靈夕。貴賤  
一相接。一作憂 一作情 一作驚 忽轉易會合，勿言易別

離古來惜，請君駐征車。良遇難再覲。

夜集汝州郡齋聽陸僧辯彈琴

康樂寵詞客，清霄意無窮。徵文北山一作窓外，借

月南樓中。千里愁併盡，一樽歡暫同。胡爲憂楚

琴。一作琴 淅瀝起寒風。

同年春燕

少年三十士，嘉會良在茲。高歌搖春風，醉舞摧  
花枝。意蕩晚景喜，凝芳菲。時馬跡攢，驥裊樂  
聲韻。參差視聽改，舊趣物象含。新姿紅雨花上

滴綠煙柳際垂淹中講精義南皮獻清詞前賢  
與今人千載為一期明鑒有皎潔澄玉無磷緇  
永與沙泥別各整雲漢儀盛氣自中積英名日  
四馳塞鴻絕儔匹海月難等夷鬱抑忽已盡親  
朋樂無涯幽蘅發空曲芳杜綿所思浮跡自聚  
散壯心誰別離願保金石志無令有奪移

羅氏花下奉招陳侍御

眼在一作見枝上春落地成埃塵不是風流者誰  
為攀折人寧辭波浪闊莫道往來頻拾紫豈宜

晚掇芳頰及晨勞收賈生淚強起屈平身花下  
本無俗酒中別有神遊蜂不飲故戲蝶亦爭新  
萬物盡如此過時非所珍

遊石龍渦

四壁千仞散泉如雨

石龍不見形石雨如散星山下晴皎皎山中陰  
泠泠水飛林木杪珠綴莓苔屏蓄異物皆別當  
晨景欲暝泉芳春氣碧松月寒色青險力一作陰  
此獨壯猛獸亦不停日暮且迴去浮心恨一作尚  
未寧

浮石亭

曾是風雨力崔嵬漂來時落星夜皎潔近榜朝  
逶迤翠瀲灩明滅清淥瀉歆危况逢蓬島仙會  
舍良在茲

看花五首

家家有

一作如

芍藥不妨至溫柔溫柔一同女紅

笑笑不休月娥雙雙下楚艷枝枝浮洞裏逢仙

人

一作幸逢  
仙人立

綽約青

一作清

宵遊

芍藥誰為媚人人不敢來唯應待詩老日日殷

勤開玉立無氣力春疑且徘徊將何謝青春痛

飲一百杯

芍藥吹欵盡無柰曉風何餘花欲誰待唯待諫

郎過諫郎不事俗黃金買高歌高歌夜更清花

意晚更多飲之不見底醉倒深紅波紅波蕩諫

心諫心終無它

獨遊終難醉挈榼徒經過閑花不解語勸得酒

無多

三年此村落春色入心悲料得一孀婦經

一作它

時獨淚垂

濟源春

太行橫偃脊百里芳崔嵬濟濱花異顏枋口雲  
如裁新畫彩色濕上界光影來深紅縷草木淺  
碧珩沂泗千家門前飲一道傳襖盃玉鱗吞金  
鈎仙璇琉璃開朴童茂言語善俗無驚猜狂吹  
寢恒宴曉清夢先迴治生鮮隋夫積學多深材  
再遊詎癩癯一洗驚塵埃

濟源寒食七首

風巢嫋嫋春鷓鴣無子老人仰面嗟柳弓蒿箭

一作蒿天覩不見高紅遠綠勞相遮

女嬋

一作嬋

童子黃短短耳中聞人惜春晚逃蜂

匿蝶踏地來拋却齋糜一姿椀

一日踏春一百迴朝朝沒脚走芳埃饑童餓馬  
掃花餵向晚飲溪三兩盃

莓苔井上空相憶鞦韆索斷無消息酒人皆倚  
春髮綠病叟獨藏秋髮白

長安落花飛上天南風引至三殿前可憐春物

亦朝謁唯我孤一作獨吟渭水邊

枋口花間掣手歸嵩陽一作山為我留一作駐紅暉

可憐躑躅千萬尺拄地拄天疑一作今欵飛

蜜蜂為主各磨牙咬盡村中萬木花君家甕甕  
今應滿五色冬籠甚可誇

遊枋口二首

一步復一步出行一作行千里幽為取山水意故

作寂寞遊太行青巔高枋口碧照浮明明無底

鏡泛泛忘機鷗老逸不自限病狂不可周一作閑

饒淡薄怠玩多淹留芳物競晚晚綠梢挂新柔

和友罵相逸言語亦以稠一作和友鶻相始知

萬類然靜躁難相求

聳我殘病骨健如一仙人鏡中照千里鏡浪洞

百神此神日月華不作尋常春三十夜皆明四

時晝恒新鳥聲盡依依獸心亦忻忻澄幽出所

恠閃異坐微細可來復可來此地靈相親

與王二十一員外涯遊枋口柳溪

萬株古柳根拏此磷磷溪野榜多屈曲仙尋無

端倪春桃散紅烟寒竹含晚淒晚聽忽以異芳  
樹安能齊共疑落鏡中坐泛紅景低水意酒易  
醒浪情事非迷小儒峭章句大賢嘉提携潛寶  
韻靈瑟翠崖鳴玉珪主人穆尚翁德茂芝木畦  
鑿出幽隱端氣象皆昇躋曾是清樂抱逮茲幾  
省溪宴位席蘭草濫觴驚鳧鷖靈味薦魴辦金  
花屑橙虀江調擺衰俗洛風遠塵泥徒言奏狂  
狗詎敢忘筌蹄

與王二十一負外涯遊昭成寺

洛友寂寂約省騎霏霏塵遊徧日步晚磬話茗含  
芳春一作茵 瑤策冰入手粉壁畫壘神頰廊芙蓉  
霽碧殿琉璃津一作句 玄講島一作海 岳盡淵詠文  
字新屢笑寒竹讌况接青雲負顧慙餘眷下衰  
察嬰殘身

嵩少

沙彌舞袂采走向躑躅飛閑走亦惺惺芳援相  
依依噓塞春咽喉蜂蝶事光輝群嬉且已晚孤  
引將何歸流艷去不息朝英亦踈微

旅次洛城東水亭

水竹色相洗碧花動軒楹自然逍遙風蕩滌浮  
競情霜落葉聲燥景寒人語清我來招隱亭衣  
上塵暫輕

洛橋晚望

天津橋下冰初結洛陽陌上人行絕榆柳蕭疎  
樓閣閑月明直見嵩山雪

居處

北郭貧居

進乏廣莫力退為蒙瀧

一作龍

居三年失意歸四

向相識踈地僻草木壯荒條扶我廬夜貧燈燭  
絕明月照吾書欲識貞靜操秋蟬飲清虛

題陸鴻漸上饒新開山舍

驚彼武陵狀移歸此巖邊開亭擬貯雲鑿石先  
得泉嘯竹引清吹吟花成一作討新篇乃知高潔  
情擺落區中緣

題常承總吳王故城下幽居

常生相門子孫

才飽身自貴巷荒門豈貧常生堪繼相孟子願

依隣夜思琴一作酒語切晝情茶味新霜枝留過

鵲一作鶴風竹掃蒙塵郢唱一聲發吳花千片春

對君何所得歸去覺情真

蘇州崑山惠聚寺僧房

昨日到上方片雲掛一作卦石牀錫杖莓苔青袈

裟松栢香晴磬無短韻古燈含永光有時乞鶴

歸還訪一作放逍遙場

題從叔述靈巖山壁

換却世上心獨起山中情露衣涼且鮮雲策高

復輕喜見夏日來變為松景清每將逍遙聽不

厭颼颼聲遠念塵未宗未踈俗間名桂枝一作科

妄舉手一作意萍路空勞生仰謝開淨絃相招時

一鳴

題林校書花嚴寺書窓

隱詠不誇俗問禪徒淨居翻將白雲字一作寺寄

向青蓮書擬古投松坐就明開紙疏昭昭一作綿

南山景獨與心相如

藍溪元居士草堂



市井不容義義歸山谷中夫君宅松桂招我樓  
蒙籠人朴情慮肅境閑視聽空清溪宛轉水脩  
竹徘徊風木倦採樵子土勞稼穡翁讀書業雖  
異敦本志亦同藍岸青漠漠藍峯碧崇崇日昏  
各命酒一作寒蛩鳴蕙叢一作寒鹿

新卜青羅幽居奉獻陸大夫

黔婁住何處仁邑無餒一作寒豈誤舊羈旅變  
為新閑安二頃有餘食三農行可觀籠禽得高  
巢轍鮒還層瀾駸駸桑柘墟紛紛田里歡兵戈

忽消散耦耕非艱難嘉木偶良酌芳陰庇清彈  
力農唯一事趣世徒萬端靜覺本相厚動為末  
所殘此外有餘暇鋤荒出幽蘭

酬孟十二新居見寄

陸長源

大道本夷曠高情亦冲虛因隨白雲意偶逐青  
羅居青羅分蒙密四序無慘舒餘清濯子衿散  
彩還吾廬去歲登美第榮名在公車將必繼管  
蕭豈唯躡應徐首夏尚清和殘芳遍丘墟褰帟  
蔭窻柳汲水滋園蔬達者貴知心古人不顯餘

愛君將生逕且著茂陵書

題帝少保靜恭宅藏書洞

高意合天製自然狀無窮仙華凝四時玉蘚生  
數峯書祕漆文字匣藏金蛟龍閑為氣候肅開  
作雲雨濃洞隱諒非久巖夢誠必通將綴文士  
集貫就真珠叢

生生亭

灘開不妨語跨溪仍一作宜置亭置亭喋嶸頭開  
憲納遙青遙青新畫出三十六扇屏裊裊立平

地稜稜浮高冥一日數開扉仙閃目不停徒誇  
遠方岫曷若中峯靈拔意千餘丈浩言永堪銘  
浩言無愧同愧同忍醜醒致之未有力力在君  
子聽

寒溪九首

露一作路洗水色盡寒溪見纖鱗幸臨虛空鏡照  
此殘悴身潛滑不自隱露底瑩更新豁如君子  
懷曾是危陷人始明淺俗心夜結朝已津淨漱  
一掬碧遠消千慮塵始知泥步泉莫與山源隣

洛陽岸邊道孟氏莊前溪舟行素冰折

一作舟行

折聲作青瑤嘶綠水結綠玉白波生白珪明明

寶鏡中物物天照齊仄步下危曲攀枯聞孀啼

霜芬

一作宿霽稍消

一作蕭索

歇凝景微茫齊癡坐直視

聽懣行失蹤蹊岸童斲棘勞語言多悲悽

曉飲一盃酒踏雪過清溪波瀾凍為刀割割鳧

與鷺宿羽皆剪棄血聲沉沙泥獨立欲何語默

念心酸嘶凍血莫作春作春生不齊凍血莫作

花作花發孀啼幽幽棘針村凍死難耕犁

篙工碓玉

一作五

星一路隨迸螢朔凍哀徹底

饑咏潛鯉冰齒相磨嚙風音酸鐸鈴清悲不可

逃洗出纖悉聽碧漱卷已盡彩

一作飛飄

零下

躡滑不定上樓折難停哮嗶呻宛仰訴何時

寧

一曲一直水白龍何鱗鱗凍颼雜碎號壑音坑

谷幸抓搯吃無力飛走更相仁猛弓一折絃餘

喘爭來賓大嚴此之立小殺不復陳皎皎何皎

皎氤氳復氤氳瑞晴刷日月高碧開星辰獨立

兩脚雪孤吟千慮新天譏徒昭昭箕舌虛斷斷  
堯聖不聽汝孔微亦有臣諫書竟成章古義終  
難陳

因凍死得食殺風仍不休以兵為仁義仁義生  
刀頭刀頭仁義腥君子不可求波瀾抽劔冰相  
劈如仇讎尖雪入魚心魚心明愀愀恍如罔兩  
說似訴割切由誰使異方氣入此中土流翦盡  
一月春閉為百谷幽仰懷新霽光下照凝憂愁  
溪老哭甚寒涕泗冰珊珊飛死走死形雪裂紛  
心肝劔乃凍不割弓絃彊難彈常聞君子武不  
食天殺殘斲玉掩骼齒吊瓊哀闌干

溪風擺餘凍溪景銜明春玉消花滴滴虬解光  
鱗鱗懸步下清曲消期濯芳津千里冰裂處一  
勺暖亦仁凝精互相洗漪連競將新忽如劔瘡  
盡初起百戰身

立德新居十首

立德何亭亭西南聳高隅陽崖洩春意井圃留  
冬蕪勝引即紆道幽行豈通衢碧峰遠相揖清

思誰言孤寺秩雖未貴家醪良可哺

聳城架霄漢絜宅涵網緼開門洛北岸時鎖嵩  
陽雲夜高星辰大晝長天地分厚韻屬踈語薄  
名謝囂聞茲焉有殊隔永矣唯及群

賓秩已覺厚私儲常恐多清貧聊自爾素將

如何儉教先勉力修襟無餘它良棲一枝木靈

巢片葉荷仰笑鷗鵬輩委身拂天波

踈門不掩水洛色寒更高曉碧流視聽夕清濯  
衣袍為於仁義得未覺登陟勞遠岸雪難暮勁

枝風易號霜禽各嘯侶吾亦愛吾曹

崎嶇有懸步委曲饒荒尋遠樹足良木踈巢無  
爭禽素魄銜夕岸綠水生曉澤空曠伊洛視髣  
髴瀟湘心何必尚遠異憂勞滿行襟

懸途多仄足崎圉無脩畦霜蘭與宿艾手擷心  
不迷品子懶讀書轅駒唯服犁虛食日相役夸  
腸詎能低耻從新學遊願將古農齊

都城多聳秀愛此高縣居伊雒遶街巷鴛鴦飛  
閭閻翠景何的礫霜颺飄空虛突出萬家表獨

治二畝蔬一作餘一旬一手版十日九手鋤

手鋤良自勗激勸亦已饒畏彼梨栗兒空資玩  
弄驕夜景卧唯畫畫光坐易消治舊得新義耕  
荒生嘉苗鋤治苟愜適心形俱逍遙

玉蹄裂鳴水金綬忽照門拂拭貧士席拜候丞  
相軒德踈未為高禮至方覺尊豈惟擢茲日可  
以榮遠孫如何一陽朝獨荷衆瑞繁

東南富水木寂寥蔽光輝此地足文字及時隘  
駸駸及雪踏為平澁行變如飛令畦生氣色嘉

綠新霏微天意資厚養賢人肯相遺

末二章冬至日鄭相

至門以屬意在焉

孟東野詩集卷第五



國家圖書館, NATIONAL CENTRAL LIBRARY, TAIWAN, R.O.C.


孟東野詩集卷第六

唐山南西道節度叅謀試大理評事武康孟郊著  
明進士文林郎知武康縣事無錫秦禾重刻

曾孫秦伯欽藏板

行役

西上經靈寶觀

觀即尹真人舊宅

道士無白髮語音

一作言

靈泉清青松多壽色白

石恒夜明放步霽霞起

一作迢

振衣華風生真文

祕中頂寶氣浮四楹一片古關路萬里今人行



上仙一可見驅策徒西征

泛黃河

誰開崑崙源流出混沌河積雨一作羽飛作風驚

龍噴為波湘琴颼颼絃越賓一作客嗚咽歌有恨

一作雙眼不可洗虛此來經過

往河陽宿峽陵寄李侍御

暮天寒風悲屑屑啼鳥遶樹泉水噎行路解鞍  
投古陵蒼蒼隔山見微月鷓鳴犬吠霜煙昏開  
囊拂巾對盤飧人生窮達感知已明日投君申

片言

鷓路溪行呈陸中丞

鷓路不可越三十六渡溪有物飲碧水高林挂  
青蛭歷覽道更險驅使跡頻睽視聽易常主心  
竟互相迷浪石忽搖動沙堤信難躋危峰紫霄  
外古木浮雲齊出徂望汝郡大賢多招携疲馬  
戀舊秣藿禽思故棲應憐泣楚玉棄置如塵泥  
獨宿峴首憶長安故人

月迥無隱物况復大江秋江城與沙村人語風

五更里言集卷之二  
颼颼岷亭當此時故人不同遊故人在長安亦  
可將夢求

自商行謁復州盧使君虔

一身逸千山遠作行路人未遂東吳歸暫出西  
京塵仲宣荊州客今余一作竟陵賓往蹟雖不  
同託意皆有因商嶺莓苔滑石坂上下頻江漢  
沙泥潔永日一作水白光景新獨淚起殘夜孤吟望  
初晨驅馳竟何事章句依深仁

夢澤行

楚山爭蔽虧日月無全輝楚路饒迴惑旅人有  
一作多迷歸騏驥思北首鵠鴟願南飛我懷京洛  
遊未厭風塵衣

京山行

衆畜聚病馬流血不得行後路起夜色前山聞  
虎聲此時遊子心百尺風中旌

旅次湘沅有懷靈均

分拙多感激久遊遵長塗經過湘水源懷古方  
踟躕舊稱楚靈均此處殞忠軀側聆故老言遂

得旌賢愚名叅君子場行為小人儒騷文術真  
亮體物情崎嶇三黜有愠色即非賢哲模五十  
爵高秩謬膺從大夫冒襟積憂愁容鬢復一作先  
彫枯死為不吊鬼生作猜謗徒吟澤潔其身忠  
節寧見輸懷沙滅其性孝行焉能俱且聞善稱  
君一何善自殊且聞過稱已一何過不渝悠哉  
風土人角黍投川隅相傳歷千祀哀悼延八區  
如今聖明朝養育無羈孤君臣逸雍熙德化盈  
紛敷巾車狗前侶白日猶昆吾寄君臣子心戒

此真良圖

過彭澤

揚帆過彭澤舟人訝歎息不見種柳人霜風空  
寂歷

過分水嶺

山壯馬力短路行石齒中十步九舉轡迴環失  
西東溪水變為雨懸崖陰濛濛客衣颼颼秋葛  
花零落風白日捨我沒一作去征途忽然窮

分水嶺別夜示從弟寂

一作示于孟叔

南中少平地山水重疊生別泉萬餘曲迷舟獨  
難行四際亂峯合一眺千慮并潺湲冬夏冷光  
彩晝夜明賞心難久勝離腸忽自驚古木搖霽  
色高風動秋聲一作古木解舊葉迴風結秋聲餘爾一樽酒慰  
我百憂輕嘉期何處定此晨堪寄情

連州吟三章

春風朝夕起吹綠日日深試為連州吟淚下不  
可禁連山何連連連天碧岑峯哀猿哭花死子  
規裂客心蘭芷結新佩瀟湘遺舊音怨聲能翦

絃坐撫零落琴

羽翼不自有相追力難任唯憑方寸靈獨夜萬  
里尋方尋魂颺颺南夢山嶠嶽髮鬢驚矍矍悉  
窅聞楓林正直被放者鬼魅無所侵賢人多安  
排俗士多虛歎孤懷吐明月衆毀鑠黃金願君  
保玄曜壯志無自沉

朝亦連州吟暮亦連州吟連州果有信一紙萬  
里心開緘白雲斷明月墮衣襟南風嘶舜璫苦  
竹動猿音萬里愁一色瀟湘雨淫淫兩劍忽相

觸雙蛟恣浮沉鬪水正迴幹倒流安可禁空愁  
江海信驚浪隔相尋

旅行

楚水結冰薄楚雲爲雪微野梅參差發旅榜道  
還歸

紀贈

上河陽李大夫

上將秉神略至兵無猛一作威三軍

當一作嚴冬一撫勝重衣霜劍奪衆景夜星失

長輝蒼鷹獨立時惡鳥不敢飛武牢鑿天關河  
橋紐地機大軍奚以安守此稱者稀貧士少顏  
色貴門多輕肥試登山岳高方見草木微山岳  
恩既廣草木心皆歸

投贈張端公

君子量不極胃吞百川流嫉邪霜氣直問俗春  
辭尋日戶晝輝靜月盃宵景幽詠鶯芙蓉發笑  
激風颭秋鷺步獨無侶鶴音仍寡儔幸沾分寸  
顧散此千萬憂

五言詩集卷之六  
六  
贈蘇州韋郎中使君

謝客吟一聲霜落群聽清  
文含元氣柔鼓動萬物輕  
嘉木依性植曲枝亦不生  
塵埃徐庾詞金玉曹劉名  
章句作雅正江山益鮮明  
蘋萍一浪草菰蒲片池榮  
曾是康樂詠如今塞其英  
顧惟菲薄質亦願將此并

上張徐州

爲水不入海安得浮天波  
爲木不在山安得橫日柯  
再來君子傍始覺精義多  
一作大德惟一

施衆情自偏頗至樂無

一作變

宮徵至聲遺謳

願鼓空桑絃永使萬物和  
顧已誠拙訥干名已蹉跎  
獻詞唯在口所欲無餘它  
乍作支泉石乍作翳松蘿  
一不改方圓破質爲琢磨  
賤子本如此大賢心若何  
豈是無異途異途難經過

上包祭酒

岳岳冠蓋彥英英文字雄  
瓊音獨聽時塵韻固不同  
春雲生紙上秋濤起甬中  
時吟五君詠再舉七子風  
何幸松桂侶見知勤苦功  
願將黃鶴

翅一借飛雲空

贈崔純亮

食齋腸亦苦強歌聲無歡出門即有礙誰謂天  
地寬有礙非遐方長安大道傍小人智慮險平  
地生太行鏡破不改光蘭死不改香始知君子  
心交久一作文道益彰君心與我懷離別俱迴  
遑譬如浸壁泉流苦已日長忍泣目易衰忍憂  
形易傷項籍非不一作壯賈生非不一作良當  
其失意時涕泗各沾裳古人勸加飡一作此飡

一作難自強一飯九祝噎一嗟十斷腸况是一作

非兒女怨一作怨氣凌彼蒼彼蒼昔有知白日

下清霜今朝始驚歎一作碧落空茫茫

贈文應上人

棲遲青山巔高靜身所便不踐有命草但飲無  
聲泉齋性空轉寂學情深更專經文開貝葉衣  
製垂秋蓮馱此俗人群暫來還却旋

嚴河南

赤令風骨峭語言清霜寒不必用雄威見者毛

髮攢我有赤令心未得赤令官終朝衡門下忍  
志將筑彈君從西省郎正有東洛觀洛民蕭條  
久威恩憫撫難苦竹聲嘯雪夜齋聞千竿詩人  
偶寄耳聽苦心多端多端多酒盃酒中方得歡  
隱士多隱酒此言信難刊取次令坊沽舉止務  
在寬何必紅燭嬌始言清宴闌丈夫莫矜莊矜  
莊不中看

贈李觀

觀初登第

誰言形影親燈滅影去身誰言魚水歡水竭魚

枯損

一作鱗

昔為同恨客今為獨笑人捨予在泥

轍飄跡上雲津卧木易成蠹棄花難再春何言  
對芳景愁望極蕭晨埋劍誰識氣匣絃日生塵  
願君語高風為余問蒼旻

吳安西館贈從弟楚客

蒙籠楊柳館中有南風生風生今為誰湘客多  
遠情孤枕楚水夢獨帆楚江程覺來殘恨深  
心尚與歸路并玉匣正絃在請君時一鳴

贈章仇將軍



將軍不誇劍才氣為英雄五岳拽力內百川傾  
意中本立誰敢拔飛文自難窮前時天地翻已  
有扶正功

贈道月上人

僧貌淨無點僧衣寧綴華尋常晝日行不使身  
影斜飯木煮松栢坐山敷一作雲霞欲知禪隱  
高緝薛為袈裟

紆情因上郎中二十二叔監察十五叔魚

呈李益端公柳續評事

方憑指下絃寫出心中言寸草賤子命高山主  
人恩遊邊風沙意夢楚波濤冤一日引別袂九  
迴露淚痕自悲何以然在禮闕晨昏名利時轉  
甚是非宵亦喧浮情少定主百慮隨世翻舉此  
胃臆恨幸從賢哲論明明三飛鸞一作步兵與雙鸞照  
物如朝暾

贈城郭道士

望裏失却山聽中遺却泉松枝休策雲藥囊翻  
貯錢曾依青桂鄰學得白雪絃別別意未迴世

上為隱仙

桐廬山中贈李明府

靜境無濁氛清雨零碧雲千山不隱響一葉動  
亦聞即此佳志士精微誰相群欲識楚一作章  
句袖中蘭茝薰

獻漢南樊尚書

天下昔崩亂大君識賢臣衆木盡搖落始見竹  
色真兵勢走山岳陽光潛埃塵心開玄女符面  
縛清波人異俗既從化澆風亦歸淳自公理斯  
郡寒谷皆變春旗影卷赤電劔鋒匣青鱗如何  
嵩高氣作鎮楚水濱雲鏡忽開霽一作景孤光射  
無垠乃知尋常鑿照影不照神

贈轉運陸中丞

掌運職既大摧邪名更雄鵬飛簸曲雲鷲怒生  
直風投彼霜雪令翦除荆棘叢楚倉傾向西吳  
未發一作登自東帆影咽河口車聲壘關中堯知  
才策高人喜道路通皆驚內史力繼得鄴侯功  
萊子真為少相如未免窮衣花野菡萏書葉山

梧桐不是宗匠心誰憐久栖蓬

贈萬年陸郎中

天子憂劇縣寄深華省郎紛紛風響珮螿螿  
開霜舊事笑堆案新聲唯雅章誰言百里一作  
才終作橫天梁江鴻耻承春雲津未能翔徘徊  
塵俗中短毳無輝光

擢第後東歸書懷獻坐主呂侍郎

昔歲辭親淚今為戀恩泣去住情難並別離景  
易戢天矯大空鱗曾為小泉蟄幽意獨沉時震

雷忽相及神行既不辜直致非所執至運本遺

功輕生各一作自立大君思此化良佐自然集

寶鏡無私光時文有新習慈親誠志就賤子歸

情急擢第謝靈臺牽衣一作出皇邑行襟海日

曙逸抱江風入薰葭得波浪芙蓉紅岸濕雲寺

勢動搖山鍾韻嗑吸舊遊期再踐懸水得重挹

松蘿雖可居青紫終當捨

古意贈梁肅補闕

曲木忌日影讒人畏賢明自然照燭間不受邪

佞輕不有百鍊火孰知寸金精金鉛正同在一作  
鑪願分精與麤

贈黔府王中丞楚

舊說天下山半在黔中青又聞天下泉半落黔  
中鳴山水千萬遶中有君子行儒風一以扇汗  
俗心皆平我願中國春化從異方生昔爲陰草  
毒今爲陽華英嘉實綴綠蔓涼湍瀉清聲逍遙  
物景勝視聽空曠并困驥猶在轅沉珠尚隱精  
路遐莫及昭泥汚日已盈歲晏將何從落葉甘

自輕

上達奚舍人

北山少日月草木苦風霜貧士在重坎食梅有  
酸腸萬俗皆走圓一身一作心猶學方常恐衆毀  
至春葉成秋黃大賢秉高鑒公燭無私光暗室  
曉未及幽吟涕空行

贈主人

斗水瀉大海不如瀉枯池分明賢達交豈顧豪  
華兒海有不足流豪有不足資枯鱗易爲水貧

士易為施幸觀君子席會將幽賤期側聞清風  
議如飲黃金卮此道與日月同光無盡時

贈建業契公

師住青山寺清華常逸身雖然到城郭衣上不  
棲塵

獻襄陽于大夫

襄陽青山郭漢江白銅鞮謝公領茲郡山水無  
塵泥鐵馬萬霜雪絳旗千虹蜺風漪參差泛石  
板重疊齊舊淚不復墮新歡居然齊還耕竟原

野歸老相扶携物色增曖曖寒芳更萋萋淵清  
有遐略高躅無近蹊一作衆賦無暴掠與歌有安綬即此富蒼  
翠自然引翔棲曩遊常抱一作憶夙好今尚睽願  
言從逸轡暇日凌清溪

贈鄭夫子魴

天地入曾臆吁嗟生風雷文章得其微物象由  
我裁宋玉送大句李白飛狂才苟非聖賢心孰  
與造化該勉矣鄭夫子驪珠今始胎

大隱詠三首

崔從事鄭以直隳職

一作一本作前題

古人留清風千載遙贈君破松見貞心裂竹看  
直文殘月色不改高賢德常新家懷詩書富宅  
抱草木貧安得一蹄泉來化千尺鱗含意永不  
語釣璜幽水濱

章仇將軍良棄功守貧

一本作後題

飲君江海心詎一作誰能辨淺深揖君山岳德誰  
能齊嶽岑東海精為月西岳氣疑金進則萬景  
晝一作盡退則群物陰我欲薦此言天門峻沉沉

風颺亦感激為我颺颺吟

趙記室倣在職無事

卑靜身後老高動物先推方圓水任器剛勁木  
成灰大道毋群物達人腹衆才時吟堯舜篇心  
向無為開彼隱山萬曲我隱酒一盃公庭何所  
有日日清風來

贈韓郎中愈二首

何以定一作結交契贈君高山石何以保貞堅一作  
研贈君青松色貧居一作交過此外無可相彩飾

聞君一作更有其鼠詩吟之淚空滴一作堪

碩一作其鼠既穿墉又啣機上絲穿墉有閑一作餘

土齒絲無餘衣朝吟枯桑柘暮泣穿一作定杼機

豈是無巧妙絲斷將何施衆人上肥華志士多

饑羸願君保此節一作願保天意當察微一作自

下別作一篇前日遠別離今日生白髮欲知萬

里情曉卧半牀月常恐百蟲秋使我芳草歇

戲贈元本二首

長安秋聲乾木葉相號悲瘦僧卧冰凌朝一作朔

詠含金瘡金瘡非戰痕峭病方在茲詩骨聳東

野詩濤湧退之有時踉蹌行人驚鶴阿師可惜

李杜死不見此狂癡

燕僧聳聽詞袈裟喜新翻北岳厭利殺玄功生

微言天高亦可飛海廣亦可源文章杳無底斲

掘誰能根夢靈髮鬅到對我方與論拾月鯨口

邊何人免為吞燕僧擺造化萬有隨手奔補綴

雜霞衣笑傲諸貴門將明文在身亦爾一作示道

所存朔雪疑別句朔風飄征魂再期嵩少遊一

訪蓬羅村春草步步綠春山日日喧  
遙鷺相應吟晚聽恐不繁  
相思塞心曾高逸難攀援

孟東野詩集卷第六



孟東野詩集卷第七

唐山南西道節度叅謀試大理評事武康孟郊著  
明進士文林郎知武康縣事無錫秦禾重刻

曾孫秦伯缺藏板

懷寄

寄張籍

夜鏡不照物朝光何時昇黯然秋思來一作暗然愁氣  
走入志士膺志士惜時逝一宵三四興清漢  
徒自朗濁河終無澄舊愛忽已遠新愁坐相凌

君其隱壯懷我亦逃名稱古人貴從晦君子忌  
黨朋傾敗生所競保全歸瞢瞢一作苦情浮雲何當  
來潜虬會飛騰

憶周秀才素上人時聞各在一方

東西分我情魂夢安能定野客雲作心高僧月  
為性浮雲自高閑明月常空淨衣敝得古風居  
山無俗病吟聽碧雲語手把青松柄羨爾欲寄  
書飛禽杳難倩

舟中喜遇從叔簡別後寄上時從叔初擢

第一

一作侍從

歸江南郊不從行

一意兩片雲暫合還却分南雲乘慶歸北雲與  
誰群寄聲千里風相喚聞不聞

懷南岳隱士二首

見說祝融峯擎天勢似騰藏千尋布水出十八  
高僧古路無人跡新霞吐石稜終居將爾叟一  
一 共余登

千峯映碧湘真叟此中藏飯不煑石喫眉應似  
髮長楓裡楮酒甕鶴虱落琴床強効忘機者斯

人尚未忘

春夜憶蕭子真

半夜不成寐燈盡又無月獨向堦前立子規啼  
不歇况我有金蘭忽爾為胡越爭得明鏡中久  
長無白髮

寄院中諸公

弈弈秋水傍駸駸綠雲蹄月仙有高曜靈鳳無  
卑棲翠色遶雲谷碧華凝句溪竹林遙歷覽雲  
寺行攀躋冠豸猶屈蠖匣龍期剗犀千山驚月

曉百里聞霜擊戎府多秀異謝公期相携因之  
仰群彥養拙固難齊

寄洛州李大夫

自從薊師反中國事紛紛儒道一失所賢人多  
在軍鳥巢憂逆射鹿耳駭驚聞劔折唯恐匣一作  
怨弓貪不讓勳方知省事將動必謝前群鶴陣  
常先罷魚符最晚分一作閑洛水曲笑激太行雲  
詩叟未相識竹兒爭見君殷勤越談說記盡古

夙文

一作風

寄盧虔使君

霜露再相換遊人猶未歸歲新月改色客久線  
斷衣有鶴冰在翅竟久力難飛千家舊素沼昨  
日生綠輝春色若不可一作借為君步芳菲

寄崔純亮

百川有魚水大海無滿波器量各相懸賢愚不  
同科群辯有姿語衆歡無一作行歌唯餘洛陽  
子鬱鬱恨常多時讀過秦篇為君涕滂沱

汴州離亂後憶韓愈李翱

會合一時哭別離三斷腸殘花不待風春盡各  
飛揚懽去收不得悲來難自防孤門清館夜獨  
卧明月床忠直血白刃道路聲蒼黃食恩三千  
士一旦為豺狼海島士皆直夷門士非良人心  
既不類天道亦反常自殺與彼一作殺未知何  
者臧

寄張籍

未見天子面不如雙盲人賈生對文帝終日猶  
悲辛夫子亦如盲所以空泣麟有時獨齋心髣

髣夢稱臣夢中稱臣言覺後真埃塵東京有眼  
富不如西京無眼貧西京無眼猶有耳隔墻時  
聞天子車一有聲之字 鱗鱗鱗車聲輾冰玉南郊  
壇上禮百神西明寺後窮瞎張太祝縱爾有眼  
誰爾珍天子咫尺不得見不如閉眼且養真

寄義興小女子

江南莊宅淺所固唯踈籬小女未解行酒第一作  
病叔老更癡家中多吳語教爾遙可知山恠夜動  
門水妖時弄池所憂癡酒賜不辭委曲辭渙妾

性崛強耕童手皴皴想茲為襁褓如鳥拾柴枝  
我詠元魯山胷臆流甘滋終當學自乳起坐常  
相隨

憶江南弟

白首眼垂血望爾唯夢中筋力強起時魂魄猶  
在東眼光寄明星起來東望空望空不見人江  
海波無窮衰老無氣力呼呌不成風孑然憶憶  
言落地何由通常師共被教竟作生離翁生離  
不可訴上天何曾聰未忍對松栢自鞭殘朽躬

自鞭亦何益矩一作知教非所崇努力拄杖來餘  
活與爾同不然死後耻遺死亦有終

宿空姪院寄澹公

夜坐冷竹聲二三高人語燈窓看律鈔小師別  
為侶雪簷晴滴滴茗椀乳華舉磬音多風飈聲  
韻聞江楚官街不相隔詩思空愁予明日策杖  
歸去住兩延佇

寄陝府鄧一作寶給事

陝城臨大道館宇屹幾鮮候謁隨芳一作方語鏗

詞芬蜀牋從來鏡目下見盡道心前自謂古詩

量異

一作異

將新學偏憇人年六十每月請三千

不敢等閑用願為長壽錢非關亦絮爾將以救

羸然孤省癡皎皎默吟馮綿綿病書憑晝目驛

信寄宵鞭疾訴將何諭肆鱗今倒懸塵鯉見枯

浪土鬣思乾泉感感無緒蕩愁愁作邊貞元

文祭酒即陽公比謹學韋玄滿坐無風雜當朝雅

獨全見知囑徐孺即徐端公賞句類陶淵一顧生鴻

羽再言將鶴翩宣揚隘車馬君子奏駢闐曾是

此同睽至今應賜憐磨墨零落淚楷字貢仁賢  
送諫議十六叔至孝義渡後奉寄

曉渡明鏡中霞衣相颺颺浪鳧驚亦雙蓬客將  
誰僚別飲孤易醒離憂壯難銷文清雖無敵儒  
貴不敢驕江吏捧紫泥海旗翦紅蕉分明太守  
禮跨躡毗陵橋伊洛去未迴遐矚空寂寥

至孝義渡寄鄭軍事唐二十五

咫尺不得見心中空嗟嗟官街泥水深下脚道  
路斜嵩少玉峻峻伊維碧華華岸亭當四迥詩

老獨一家浦叟何所如鄭食唯有此何當來說  
事為君開流霞

酬荅

荅友人

白日照清水淺深無隱姿君子業高文懷抱多  
正思砥行碧山石結交青松枝碧山無轉易青  
松難傾移落落出俗韻琅琅大雅詞自非隋氏  
掌明月安能持千里不可倒一盞無近期一作別  
無回如何非意中良覲忽在茲道語必踈淡儒

風易凌遲願存堅貞節勿為霜霰欺

酬友人見寄新文

為客棲未定况當玄月中繁雲翳碧霄落雪和  
清風郊陌絕行人原隰多飛蓬耕牛返村巷野  
鳥依房櫳我無飢凍憂身託蓮花宮安閑賴禪  
伯復得疏塵蒙覽君郢曲文詞彩何冲融謳吟  
不能已頓覺形神空

答韓愈李觀別因獻張徐州

富別愁在頰貧別愁銷骨懶磨舊銅鏡畏見新

白髮古樹春無花子規啼有血離絃不堪聽一

聽四五絕世途非一儉俗慮有一作各千結有客

步大方驅車獨迷轍故人韓與李逸翰雙皎潔

哀我摧折歸贈詞縱橫設徐方國東樞一作元

戎天下傑禰生投刺遊王粲吟詩謁高情無遺

照朗抱開曉月有土不埋寃有讎皆為雪願為

直草木永向君地列願為古琴瑟永向君聽發

欲識丈夫心曾將孤劍說

答畫上人止讒作



烈烈鸞鷲吟鏗鏗琅玕音裊摧明月嘯鶴起清  
風心渭水不可渾涇流徒相侵俗侶唱桃葉隱  
仙一作鳴桂琴子野真遺却浮淺藏淵深

荅姚怱見寄

日月不同光晝夜各有宜賢哲不苟合出處亦  
待時而我獨迷見意求異士知如將舞鶴管誤  
向驚鳧吹大雅難具陳正聲易漂淪君有丈夫  
淚泣人不泣身行吟楚山玉一作義淚沾衣巾

荅郭郎中

松柏死不變千年色青青志士貧更堅守道無  
異營每彈瀟湘瑟獨抱風波聲中有失意吟知  
者淚滿纓何以報知者永存堅與貞

荅盧虔故園見寄

訪舊無一人獨歸清雒春花聞哭聲死水見別  
容新亂後故鄉宅多為行路塵因悲楚左右謗  
玉不知珉

汝墳蒙從弟楚材見贈時郊將入秦楚材

適楚

朝為主人一作夕心暮為一作行客吟汝水忽淒咽汝

風流苦音北關秦門高南路一作山楚石深一作北關一作

時將遠南山路更添分淚洒白日離腸繞青岑何以寄遠

書一作我懷黃鶴能相尋

同從叔簡酬盧殷少府

梅尉吟楚聲竹風為淒清深虛冰在性高潔雲

入情借水洗閑貌寄蕉書逸名羞將片石文關

此雙瓊英

酬李侍御書記秋夕雨中病假見寄

秋風送衰柳遠客聞雨聲重茲阻良夕孤坐唯

積誠果枉移疾詠中含嘉慮明洗滌煩濁盡視

聽昭曠生未覺衾枕倦久為章奏嬰達人不寶

一作保藥所保在閑情

答盧仝

楚屈入水死詩死踏雪僵直氣苟有存死亦何

所妨日劈高查牙清稜含冰漿前古後古冰與

山氣勢強閃恠千石形異狀安可量有時春鏡

破百道聲飛揚潛仙不足言朗客無隱腸為君

傾海宇日夕多文章天下豈無緣此山雪昂藏  
煩君前致詞哀我老更狂狂歌不及狂歌聲緣  
鳳凰鳳兮何當來消我孤直澹君文真鳳聲宣  
隘滿鏗鏘洛友零落盡逮茲悲重傷獨自有異  
骨將騎白一作玉角翔再三勸莫行寒氣有刀鎗  
仰慙君子多慎勿作芬芳

奉報翰林張舍人見遺之詩

百蟲笑秋律清削月夜聞曉稜視聽微風翦葉  
已紛君子鑒大雅老人非俊群收拾古所棄俛

仰補空文孤韻恥春俗餘響送零雲自然踏終  
南滌暑凌寒氛巖霰不知午礪斯鎮含曠曾是  
醒古醉所以多隱淪江調樂之遠溪謠生徒新  
衆蘊有餘採寒泉空哀呻南謝竟莫至北宋當  
時珍贖靈各自異酌酒一作醒誰能均昔詠多寫  
諷今詞詎無因品松位何高翠宮沒荒榛苔趾  
識宏製沙溲游崩津忽吟陶淵明此即羲皇人  
心放出天地形拘在風塵前賢素行階夙嗜青  
山勤達士立明鏡朗言為近臣將期律萬有傾

倒甌無垠鸞鷲應蟋蟀  
絲毫意皆申况於三千  
章哀叩不為伸

送別上

送從弟郢東歸

爾去東南夜我無西北夢  
誰言貧別易貧別愁  
更重曉色奪明月  
征人逐群動秋風  
楚濤高旅榜將誰共

山中送從叔簡赴舉

石根百尺杉一作松  
山眼一片泉倚一作停  
之道氣

高飲之詩思鮮於此  
逍遙場忽奏別離絃  
却笑薜蘿子不同鳴躍年

送別崔寅亮下第

天地唯一氣用之自偏頗  
憂人成苦吟達士為  
高歌君子識不淺  
桂枝幽更多歲晏期攀折時  
歸且婆娑素質如削一作荆  
玉清詞若傾一作天  
河虬龍未化時  
魚鱉同一波去矣當自適  
故山饒薜蘿

大梁送柳淳先入關

青山輾為塵白日無閑人自古推高車爭利西

入秦王門與侯門待富不待貧空携一束書去

去誰相親一云空費一束書獨去將誰親

送無懷道士遊富春山水一作送別吳逸士歸山

造化絕一作見高處富春獨多觀山濃翠滴灑一作

的水折珠摧殘溪鏡不隱髮樹衣長遇一作寒

風猿虛空飛月狎叫嘯酸信此神仙路一作樂豈

為時俗安煮金陰陽火一作芙蓉水因恠星宿壇花

發我一作未識玉生忽藁攢蓬萊浮蕩漾非道

相從難

送温初下第

日落濁水中夜光誰能分高懷無近趣清抱多

遠聞欲識丈夫志心藏孤岳雲長安風塵別咫尺

不見君

送盧虔端公守復州

師曠聽群木自然識孤桐正聲逢知音願出大

朴中知音不韻俗獨立占一作古風忽挂觸邪

冠逮逐南飛鳴肅肅太守章明明華轂能商山

無平路楚水有驚濤日月千里外光陰難載同  
新愁徒自積良會何由通

送任齊二秀才自洞庭遊宣城

任載齊古并序

文章者賢人之心氣也心氣樂則文章正心氣  
非則文章不正當正而不正者心氣之偽也賢  
與偽見於文章一直之詞衰代多禍賢無曲詞  
文章之曲直不由於心氣心氣之悲樂亦不由  
賢人由於時故今宣州多君子閑暇而寬文章  
之曲直纖微悉而備舉洞庭二客勉而客去之

鼓其風波之詞吾知夫樂莫是行也遂為詩曰  
洞庭非人境道路行虛空二客月中下一帆天  
外風魚龍波五色金碧樹千叢閃恠如可懼在  
誠無不通扣竒驚浩淼採異訪穹崇物表積高  
韻人間訪仙公宣城文雅地謝守聲聞融證玉  
易為力辨珉調不同從茲阮籍淚且免泣途窮

送曉公歸庭山

一作歸稽亭

庭山一作稽亭何崎嶇寺路緣翠微秋霽山盡出日  
落人獨歸雲生高高步泉洒田田衣枯巢無還

羽新木有爭飛茲鳥不可繼夢寐空清輝

送豆盧策歸別墅

短松鶴不巢高石雲不一作始栖君今一作為瀟湘

去意一作性與雲鶴齊力買奇險地手開清淺溪

身披薜荔衣一作薜蘿襟山陟莓苔梯一卷冰雪文

避俗常自携

送清遠上人歸楚山舊寺一作國清上人遊薜

波中出吳境霞際登楚岑水寺一別來雲一作風

蘿三改陰詩誇碧雲句道證青蓮心應笑泛萍

者一云應憐萍泛者不知松隱深

山中送從叔簡

莫以手中瓊言邀世上名莫以手中迹久向人

間行松栢有霜操風泉無俗聲應憐栢朽質驚

此別離情

送蕭鍊師入四明山

閑於獨鶴心大於高松年迥出萬松表高樓四

明巔千尋直裂峯百尺倒瀉泉絳雲為我飯白

雲為我田靜言不語一作話俗靈蹤時步天

孟東野詩集卷第七

孟東野詩集卷第七



國家圖書館, NATIONAL CENTRAL LIBRARY, TAIWAN, R.O.C.



孟東野詩集卷第八

唐山南西道節度叅謀試大理評事武康孟郊著  
明進士文林郎知武康縣事無錫秦禾重刻

曾孫秦伯欽藏板

送別下

感別送從叔校書簡再登科東歸

長安

一作去年

車馬道高

一作柳

結浮雲下有名利

人一人千萬心黃鵠

一作鶴

多遠勢

一作共遠語

滄

溟無近潯怡靜退姿泠泠思歸吟菱唱忽生

聽芸書迴望深清風散言笑餘花綴衣襟獨恨  
魚鳥別一飛將一沉

送玄亮師

蘭泉滌我襟杉月棲我心茗啜一作綠淨花經  
誦清柔音何處笑為別淡情愁不侵

送李尊師玄

口誦碧簡文身是青霞君頭冠兩片月肩一作  
披一條雲松骨輕自飛鶴心高不群

同畫上人送郭一作秀才江南尋兄弟

地一作池

上春色生眼前詩彩明手携片寶月言

是高僧名溪轉萬曲心一作石水流千里聲飛鳴

向誰去江鴻第與兄

春日同常郎中使君送鄒儒立少府扶侍

赴雲陽

離思着百草絲絲生無窮側聞畿甸秀三振詞  
策雄太守不韻俗諸生皆變風郡齋敞西清楚  
瑟驚南鳩海畔帝一作高城望雲陽天色中酒酣  
正芳景詩綴新碧叢服綵老萊並侍車江革同

過隋柳顛顛入洛花蒙籠高步詎留足前程在  
層空獨慙燕鶴羽飛送力難崇

送從叔校書簡南歸

一作東游

長安別離道宛在東城隅寒草根未死愁人心  
已枯促促水上景遙遙天際途生隨昏曉中皆  
被日月驅北騎達一作驥遠山岳南帆指江湖高蹤  
一超越千里在一作盡須臾

送韓愈從軍

志士感恩起變衣非變性親賓改舊觀僮僕生

新敬坐作群書吟行為孤劔詠始知出處心不  
失平生正淒淒天地秋凜凜軍馬令驛塵時一  
飛物色極四靜王師既不戰廟略在無競王粲  
有所依元瑜初應命一章喻檄明百萬心氣定  
今朝旌鼓前笑別丈夫一作大夫盛

同茅郎中使君送河南裴文學

河南有歸客江風紆行襟送君無塵聽舞鶴清  
瑟音菱蔓綴楚棹日華正嵩岑如何謝文學還

起會雲

一作長吟

送李翺習之

習之勢翩翩東南去遙遙贈

一作寄

君雙履足一

為上臯橋臯橋路逶迤碧水清風飄新秋折藕  
花應對吳語嬌千卷分淥波四門生早潮湖榜  
輕裊裊酒旗高寥寥小時履齒痕有處應未銷  
舊憶如霧星恍見於夢消言之燒人心事去不  
可招獨孤宅前曲塋篔簹醉中謠壯年俱悠悠遠  
茲各焦焦執手復執手唯道無枯凋

送丹霞子阮芳顏上人歸山

松色不肯秋玉性不可柔登山須止路飲水須

直流倩鶴附書信索雲作衣裘仙村莫道遠桂

一作  
枉策招交游

送從舅端適楚地

歸情似泛空飄蕩楚波中羽扇掃輕汗布帆節  
細風江花折菡萏岸影泊梧桐元舅唱離別賤  
生愁不窮

送盧汀侍御歸天德幕

仲宣領騎射結束皆少年匹馬黃河岸射鵬清

霜天旌旗防日北道路上雲巔古雪無銷鑠新  
冰有堆填清溪徒聳謂白壁自招賢豈比重恩  
者閉門方獨全

送草書獻上人歸廬山

狂僧不爲酒狂筆自通天將書雲霞片直至清  
明巔手中飛黑電象外瀉玄泉萬物隨指顧三  
光爲迴旋驟書雲霓對洗硯山晴鮮忽怒畫虵  
虺噴然生風烟江人願停筆驚浪恐傾船

和薛先輩送獨孤秀才上都赴嘉會

得青字

秦雲攀窈窕楚桂擧芳馨五色豈徒爾萬枝皆  
有靈仙謠天上貴林詠雪中青持此一爲贈送  
君翔杳冥

送崔葵之湖南

江與湖相通二水洗高空定知一日帆使得一作  
千里風雪唱與誰和俗情多不通何當逸翻  
緜一作逸飛起泥沙中

送超上人歸天台

天台山最高動躡赤一作城霞何以靜雙目掃

山除妄花何以潔其性一作鑿影 澆泉去泥沙靈  
境物皆直萬松無一斜月中見心迴雲外將世  
賒山獸護方丈山猿捧袈裟遺身獨得身笑我  
牽名華

同李益崔放送王鍊師還樓觀魚爲群公

先營山居

十一一作千年白雲士一卷紫芝書來結崆峒侶還  
期縹緲居霞冠遺彩翠月一作丹帔上空虛寄謝  
泉壽冰清冷閑有餘

張徐州席送岑秀才

振振芝蘭步昇自君子堂泠泠松桂吟生自楚  
客腸羈鳥一作飢鳥無定棲驚蓬在它鄉去茲門館  
閑即彼道路長雨餘山川淨麥熟草木涼楚淚  
滴章句京塵染衣裳贈君無餘它又要不可忘

送黃構擢第後歸江南

澹澹滄海氣結成黃香才幼齡思奮飛弱冠遊  
靈臺一鶚顧喬木衆禽不敢猜一驥騁長衢衆  
獸不敢陪遂得會風雨感通如雲雷至矣小宗

伯確手心不回能令幽靜人聲實喧九垓却憶  
江南道祖庭花裏開春風不能別別罷空徘徊  
送道士  
千年山上行山上無遺蹤一日人間游六合人  
皆逢自有意中侶白寒徒相從

送孟寂赴舉

烈士不憂身爲君吟苦辛男兒久失意寶劍亦  
生塵浮俗官是貴君子道所珍况當盛明主豈  
乏證玉臣濁水無白日清流鑿蒼旻賢愚皎然

別結交當有因

同漂陽宰送孫秀才

廢瑟難爲絃南風難爲歌幽幽拙疾中忽忽浮  
夢多清韻始嘯侶雅言相與和訟閑每往招祖  
送柰若何牽苦強爲贈邦邑光峩峩

漂陽唐興寺觀薔薇花同諸公餞陳明府  
忽驚紅琉璃千艷萬艷開佛火不燒物淨香空  
徘徊花下印文字林間詠觴盃群官餞宰官此  
地車馬來

送柳淳

青山臨黃河下有長安道世上名利人相逢不知老

送殷秀才南遊

詩句臨

一作滿

離袂酒花薰別顏水程千里外岸

泊幾霄間風亂葉辭木雲猿清叫山南中多

一作

高古事詠遍始應還

送青陽上人遊越

秋風吹白髮微官自蕭索江僧何用歎溪縣饒

寂寞楚思物皆清越山勝非薄時看鏡中月獨  
向衣上落多謝入冥鴻笑子在籠鶴

奉同朝賢送新羅使

森森望遠國一萍秋海中思傳日月外夢在波  
濤東浪興豁胸臆泛程舟虛空既茲吟伏信亦  
以難私躬實恠賞不足異鮮悅多叢安危所繫  
重征役誰能窮彼俗如文史聖朝富才雄送行  
數百首各以鏗奇工冗隸竊抽韻孤屬思將同

留弟郢不得送之江南



剛有下水船白日留不得老人獨自歸苦淚滿  
眼黑

送陸暢歸湖州因憑題一作故人皎然塔

陸羽墳

渺渺雲寺前白蘋多清風昔遊詩會滿今游詩  
會空孤詠玉凄惻遠思景蒙籠村山塔塔禪竟  
陵廣一作霄翁遠彼草木聲髣髴聞餘聰因君  
寄數句遍為書其藁追吟當時說來者實不窮  
江調難再得京塵徒滿躬送君溪鴛鴦彩色雙

飛東東多高靜鄉芳宅冬亦崇手自擷甘旨供  
養歡冲融待我遂前心收拾使有終不然洛岸  
亭歸死為大同

送淡公十二首

燕本冰雪骨越淡蓮花風五言雙寶刀聯響高  
飛鴻翰苑錢舍人詩韻鏗雷公識本未識淡仰  
詠嗟無窮清恨生物表朗玉傾夢中常於冷竹  
坐相一作語道意冲嵩洛興不薄稽江事難同  
明年若不來我作黃蒿翁何以兀其心為君學

虛空

坐愛青草上意含滄海濱渺渺獨見水悠悠不  
問人鏡浪洗手綠剡花入心春雖然坊外觸無  
柰饒衣新行當譯文字慰此吟殷勤

銅斗飲江酒手拍銅斗歌儂是拍

一作怕

浪兒飲

則拜浪婆脚踏小船頭獨速無

舞

一作

短莎

一作策

笑伊漁陽操空恃文章多閑倚青松竿白日柰  
我何

短莎不怕兩白露相爭飛短楫畫菰蒲關作豪

橫歸笑伊水健兒浪戰求光輝不如竹枝弓射  
鴨無是非

射鴨復射鴨鴨驚菰蒲頭鴛鴦亦零落彩色難  
相求儂是清浪兒每踏清浪游笑伊鄉貢即踏  
土稱風流如何卅角翁至死不裹頭

師得天文章所以相知懷數年伊維同一旦江  
湖乖江湖有故莊小女啼嗒嗒我憂未相識乳  
養難和諧幸以片佛衣誘之令看齋齋中百福  
言催促西歸來

伊洛氣味薄江湖文章多坐緣江湖岸意識一作

織鮮明波銅斗短策行新章其柰何茲焉激切

句非是等閑歌製一作之附驛迴勿使餘風訛

都城第一寺昭成屹嵯峨為師書廣壁仰詠時

經過徘徊相思心老淚雙滂池

江南寺中邑一作寺平地生勝山開元吳語僧

律韻高且閑妙樂溪岸平桂榜復往一作還樹

石相鬪生紅綠各異顏風味我遙憶新竒師獨

攀

報恩兼報德寺與山爭鮮一作橙橘金蓋檻竹

蕉綠凝禪經章音韻細風磬清冷翩離腸繞師

足舊憶隨路延不知幾千尺至死方綿綿

鄉在越鏡中分明見歸心鏡芳步步綠鏡水日

日深異刹碧天上古香清桂岑朗約徒在昔童

句忽盈今幸因西飛葉書作東風吟落我病枕

上慰此浮恨侵

牽師袈裟別師斷袈裟歸問師何苦去感吃言

語稀意恐被詩餓欲住將底依盧殷劉言史餓

死君已噫不忍見別君哭君他是非

詩人苦為詩不如脫空飛一生空鷲氣非諫復  
非譏脫枯掛寒枝棄如一唾微一步一步乞半  
片半片衣倚詩為活計從古多無肥詩饑老不  
怨勞師淚霏霏

送魏端公入朝

東洛尚淹翫西京足芳妍大賓威儀肅上客冠  
劍鮮豈惟空戀闕亦以將朝天局促塵末吏幽  
老病中絃徒懷青雲價忽至白髮年何當補風

教為薦三百篇

送盧郎中汀

洛水春渡閣別離心悠悠一生空吟詩不覺成  
白頭向事每計較與山實綢繆太華天上開其  
下車輒流縣街無塵土過客多淹留坐飲孤驛  
酒行思獨山遊逸關嵐氣明照渭空漪浮玉珂  
擺新歡聲與鸞鳳儔朝謁大家事惟余去無由

送鄭僕射出節山南

一作酬鄭典元僕射招

國老出為將紅旗入青山再招門下生結束餘

病孱自笑騎馬醜強從驅馳間顧顧一作竹磨天  
路裊裊鏡下顏文魄既飛越宦情惟等閑羨他  
白面少多是清朝班惜命非所報慎行誠獨艱  
悠悠去住心兩說何能剛

### 別妻家

芙蓉濕曉露秋別南浦中鴛鴦春一作新贈遙  
戀東牀空碧水不息浪清溪易生風參差坐一作  
路成阻飄飄去一作無窮孤雲目雖斷明月心  
相通私情詎銷鑠積芳在春藂

### 贈姚怱別

美人廢琴瑟不是無巧彈聞君郢中唱始覺知  
音難蘄蓬無還根馳水多分瀾倦客馱出門疲  
馬思解鞍何以寫此心贈君握中丹

### 贈竟陵盧使君虔別

赤日千里火火中行子心孰不苦焦灼所行為  
貧侵山木豈無涼猛噉蹲清陰歸人憶一作平  
垣別路多嘔歎賴得竟陵守時聞建安吟贈別  
折楚芳楚芳一作搖衣襟

與韓愈李翱張籍話別

朱絃奏離別垂燈少光輝物色豈知一作有異人

心顧將違客程殊未已歲華忽然一作已微秋桐

故棄下寒露新鴈飛遠遊起重恨送人念先歸

夜集類飢一作鳥晨光失相依馬跡遠川水鴈

書還一作妻閨闈常恐親朋阻獨行知慮非

監察十五叔東齋招李益端公會別

欲知惜別離瀉水還清池此地有君子芳蘭步

歲蕤手掇一作雜英一作珮意搖春夜一作思

莫作遠山雲循環無定期

汴州別韓愈

不飲濁水瀾空滯此汴河坐見遠岸冰一作盡

為還海波四時不在家敝服斷線多遠客獨鱗

頽春英落一作婆娑汴水饒曲流野桑無直柯

但為君子心歎息一作終靡他

贈別殷山人說功後歸幽墅

夫子說天地若與靈龜言幽幽人不知一一予

所敦秋月吐白夜涼風韻清源旁通忽已遠神

感寂不喧一悟祛萬結夕懷傾朝煩旅軸無停  
波別馬嘶去轅殷勤方外士會有知己論

壽安西渡奉別鄭相公二首

洛河向西道石波橫磷磷清風送君子車遠無  
還塵春別亦蕭索况茲冰霜晨零落景易入鬱  
抑抱雞伸百宵華燈宴一旦星散人歲去絃吐  
箭憂米蚕抽綸綿綿無窮事各各馳逸身徘徊  
黃縹緲倏忽春霜賓相為物表物永謝區中姻  
日嗟來教士仰望無由親

東都清風減君子西歸朝獨抱歲晏恨泗吟不  
成謠貴游意多味賤別情易消迴鴈憶前叫浪  
息念後飄悠悠孤飛景聳聳銜霜條昧趣多滯  
澁一作懶朋寡新僚病深理方晤悔至心自燒  
寂靜道何在憂勤學空饒乃知咸聞見始遂情  
逍遙文字徒營織聲華諒疑嬌顧慙耕稼士朴  
略氣韻調善士有餘食佳畦冬生苗養人在養  
身此旨清如韶願貢高古言敢望錫類招

孟東野詩集卷第八

孟東野詩集卷第八



國家圖書館, NATIONAL CENTRAL LIBRARY, TAIWAN, R.O.C.

Vertical columns of text, likely bleed-through from the reverse side of the page. The text is mostly illegible due to fading and the watermark.

Handwritten signature or mark in the bottom right corner of the page.



孟東野詩集卷第九

唐山南西道節度叅謀試大理評事武康孟郊著  
明進士文林郎知武康縣事無錫秦禾重刻

曾孫秦伯欽藏板

詠物

宇文秀才齋中海柳詠

玉縷青葢結為芳樹姿忽驚明月鈎鈎出珊瑚  
枝灼灼不死花蒙蒙長生絲飲栢况一作仙味  
詠蘭擬一作古詞霜風清颼颼與君長相思

孟東野詩集卷之九

搖柳一作採柳

弱弱本易驚看看勢難定因風似醉舞盡日不能正時邀詠花女笑輟春粧鏡

曉鶴

曉鶴彈古舌婆羅門叫音應吹天上律不使塵中尋虛空夢皆斷歎希安能禁如開孤月口似說明星心既非人間韻枉作人間禽不如相將去碧落窠巢深

和薔薇花歌

仙機札札

一作軋一作軋

織鳳凰花開七十有二行天霞

落地攢紅光風枝嫋嫋時一颺飛散葩馥逸空王忽驚錦浪洗新色又似宮娃逞粧飾終當一使移花一作老根還比蒲桃天上植

邀人賞薔薇

蜀色庶可比楚叢亦應無醉紅不自力狂豔如索扶麗藥惜未掃宛衣長更紆何人是花侯詩老強相呼

和宣州錢判官使院廳前石楠樹

大朴既一割衆材爭萬殊懿茲南海華來與此  
壤俱生長如自惜雪霜無凋渝籠籠抱靈秀簇  
簇抽芳膚寒日吐再豔頰子流細珠鴛鴦花數  
重翡翠葉四鋪兩洗新粧色一枝如一株聳異  
敷庭際傾妍來坐隅散彩飾机案餘輝盈盤盃  
高意一作自造化常情逐榮枯主公方寸  
中陶植在須臾養此奉君子賞覲日為娛始覺  
石楠詠價傾賦西都棠頌庶可比桂詞難以踰  
因謝丘墟木空採一作落泥塗時來開佳姿道

去卧枯株爭芳無由緣受氣如鬱紆抽肝在郢  
匠嘆息何踟躕

酬鄭毗躑躅詠

不似人手致豈關地勢偏孤光裊餘翠獨影舞  
多妍迸火燒閑地紅星墮青天忽驚物表物嘉  
客為留連

品松

追悲謝靈運不得殊常封絳然孔與顏亦莫及  
此松此松天格高聳異千萬重孤擎拒古手擘

裂少室峯擘裂風雨獐抓拏指爪臙道入難抱  
心學生易墮蹤時時數點仙孑孑一線龍霏微  
嵐浪際遊戲顛興濃品松徒高高鷓鴣一作詎  
雍雍賞異尚可貴常潛誰能容名華非典實翦  
棄徒纖茸刻削大雅文所以不敢慵

荅李負外小榼味

一拳芙蓉水傾玉何冷冷仙清夙已高詩味今  
更馨試啜月入骨再銜愁盡醒荷君道古誠使  
我善飛一作翎

井上枸杞架

深鑱銀泉甃高葉架雲空不與凡木並自將仙  
蓋同影踈千點月聲細萬條風迸子鄰溝外飄  
香客位中花盃承此飲椿歲小無窮

蜘蛛諷

萬類皆有性各各稟天和蚕身與汝身汝身何  
太訛蚕身不為已汝身不為它蚕絲為衣裳汝  
絲為網羅濟物幾無功害物日已多百蟲雖切  
恨其將柰爾何

蚊

五月中夜息饑蚊尚營營但將膏血求豈覺性命輕顧已寧自愧飲人以偷生願爲天下憫一使夜景清

燭蛾

燈前雙舞蛾狀生何太切想爾飛來心惡明不惡滅天君百尺高應去掩明月

和錢侍郎甘露

玄女何以言瑞露青松繁忽見垂書跡還驚涌

澧源春枝晨嫋嫋香味曉翻翻子禮忽來獻

心固易敦清風惜不動薄露肯蒙昏嘉晝色

晶仁慈久乃存一方難獨占天下恐爭論側聽

飛中使重榮華一作萃德門從公樂萬壽餘慶及

兒孫

雜題

和令狐侍郎郭郎中題項羽廟

碧草凌古廟清塵鎖秋牕當時獨宰割猛志誰能降鼓氣雷作敵劍光電爲雙新悲徒自起舊

恨一作懷舊空浮江

讀張碧集

天寶太白歿六義已消歇大哉國風本喪而王  
澤竭先生今復生斯文信難缺下筆證興亡陳  
詞備風骨高秋數奏琴澄潭一輪月誰作採詩  
官忍之一作教不揮發

聽琴

颼颼微雨收翻翻椽一作桐葉鳴且沉亂峯西寥  
落三四星前溪忽調琴隔林寒瑤瑤聞彈正弄聲

不敢枕上聽迴燭整頭簪漱泉石中庭定步履

一作履

齒深貌禪目冥冥微風吹衣襟亦認宮徵  
聲學道三十年未免憂死生聞彈一夜中曾盡

天地情

聞夜啼贈劉正元

寄泣須寄黃河泉此中怨聲流徹一作方到天愁人

獨有夜燈見一紙鄉書淚滴穿

喜雨

朝見一片雲暮成千里雨淒清濕高枝散漫沾

荒土

終南山下作

見此原野秀始知造化偏山村不假陰流水白  
一作雨田家家梯碧峯門門鑱青煙因思蛻骨  
人化作飛桂仙

觀種樹

種樹皆待春春至難久留君看朝夕花誰免別  
離愁心意已零落種之仍未休胡為好奇者無  
事自買憂

華後雨

昨夜一霎雨天意蘇群物何物最先知  
虛庭草爭出

荅友人贈炭

青山白屋有仁人贈炭價重雙烏銀驅却坐上  
千重寒燒出爐中一片春吹霞弄日光不定暖  
得曲身成直身

爛柯石

仙界一日內人間千歲窮雙碁未徧局萬物皆

五言集卷之九  
為空樵客返歸路斧柯爛從風唯餘石橋在猶

自凌丹虹一作猶有  
靈丹紅

尋言上人

萬里萋苔地不見驅馳蹤唯開文字牕時寫日  
月容竹韻漫蕭屑草花徒織一作  
蒙葺披霜入衆

大獨自識青松

噴玉布

去塵咫尺步山笑康樂巖天開紫石屏泉縷一作  
鍊明月簾仙疑刻削跡靈綻雲霞織悅聞若有待

瞥見終無厭俗玩詎能近道嬉方可淹踏著不  
死機欲歸多浮嫌古醉今忽醒今求古仍潛古  
今相共失語默兩難恬贈君噴玉布一濯高漸  
漸

姑蔑城

勁越旣成土強吳亦為墟皇風一已被茲邑信  
平居撫俗觀舊跡行春布新書興亡意何在綿  
歎空躊躕

崢嶸嶺



疏鑿順高下結構橫煙霞坐嘯郡齋肅玩奇石  
路斜古樹浮綠氣高門結朱華始見崢嶸狀仰  
止逾可嘉

尋裴處士

涉水更登陸所尚皆清真寒草不藏徑靈峯知  
有人悠哉鍊金客獨與煙霞親曾是欲輕舉誰  
言空隱淪遠心寄白日一作華髮迴青春對此  
欽勝事胡為勞我身

子慶詩

王家事已奇孟氏慶無涯獻子還生子羲之又  
有之鳳兮且莫歎鯉也會聞詩小小豫章甲織  
織玉樹姿人來唯仰乳母抱未知慈我欲揀其  
養放麝者是誰

憇淮上觀公法堂

動覺日月短靜知時歲長自悲道路人暫宿空  
閑堂孤燭讓清晝紗巾歛輝光高僧積素行事  
外無剛強我有巖下桂願為爐中香不惜青翠  
姿為君一作揚芬芳淮水色不污汴流徒渾黃

且將琉璃意淨綴芙蓉章明日還獨行羈愁來  
舊腸

江邑春霖奉贈陳侍御

江上花木東雨中零落春應由放忠直在此成  
漂淪嘉艷皆損污好音難殷勤天涯多遠恨雪  
涕盈芳辰坐哭青草上卧吟幽水濱興言念風  
俗得意唯波鱗枕蓆病流濕簷楹若飛津始知  
吳楚水不及京洛塵風蒲蕩歸棹泥陂陷征輪  
兩途日無遂相贈唯沾巾

漂陽秋霽

晚雨晚猶在蕭寥激前階星星滿衰鬢耿耿入  
秋懷舊識半零落前心驟相乖飽泉亦恐醉悵  
官肅如齋上客處華池下寮宅枯崖叩高占生  
物齟齬回難諧

列仙文

大霞霏晨暉元氣無常形玄轡飛霄外八景乘  
高清手把玉皇袂携我晨中生玄挺自嘉會金  
書拆華名賢女密所妍相期洛水輶

右方諸青童君

歛駕空清虛徘徊西華館瓊輪暨晨抄虎騎逐  
煙散惠風振丹旌明燭朗八煥解襟墉房內神  
鈴鳴璀璨袖景若林柯九絃空中彈遺我積世  
憂釋此千載欵怡眄無極已終夜復待旦

清虛真人

駕我八景輿歛然入玉清龍群拂霄上虎旗攝  
朱兵逍遙三弦際萬流無暫停哀此去留會劫  
盡天地傾當尋無中景不死亦不生體彼自然

道寂觀合大真南嶽挺直幹玉英曜穎精有任  
靡期事無心自虛靈嘉會絳河內相與樂朱華  
金母飛空歌安度明

月霞煥上清八風鼓太和迴我神霄輦遂造嶺  
玉阿咄嗟天地外九圍皆我家上採白日精下  
飲黃月華靈觀空無中鵬路無間邪顧見魏賢  
安濁氣傷汝和勤研玄中思道成更相過

夏日謁智遠禪師

吾師當幾祖說法云無空禪心三界外宴坐天

地中院靜鬼神去身與草木同因知護王國滿  
鉢盛毒龍斗數塵埃衣謁師見真宗何必千萬  
劫瞬息去樊籠盛夏火為日一堂十月風不得  
為弟子名姓掛儒宮

訪嵩陽道士不遇

先生五兵遊文焰藏金鼎日下鶴過時人間空  
落影常言一粒藥不墮生死境何當列禦寇去  
問仙人請

聽藍溪僧為元居士說維摩經

古樹少枝葉真僧亦相依山木自曲直道人無  
是非手持維摩偈心向居士歸空景忽開霽雪  
花猶在衣洗然水溪畫寒物生光輝

借車

借車載家具家具少於車借者莫彈指貧窮何  
足嗟百年徒校一作走萬事盡隨花

喜符郎詩有天縱

念符不由級屹得文章階白玉抽一毫綠珉已  
難排偷筆作文章乞墨潛磨指海鯨始生尾試

擺蓬壺渦幸當禁止之勿使恣狂懷自悲無子  
嗟喜妬雙喙喙

憑周况先輩於朝賢乞茶

道意勿乏味心緒病無棕蒙茗玉花盡越阨荷  
葉空錦水有鮮色蜀山饒芳藂雲根繞翦綠印  
縫已霏紅曾向貴人得最將詩叟同幸為乞寄  
來救此病一作窮劣躬

上昭成閣不得於從姪僧悟空院嘆嗟

次七下級一作閣問天三四言未盡數十登心

自風浪翻手手把驚魄脚脚踏墜魂却流至舊  
手傍掣猶欲奔老病但自悲古嘉木萬痕老力  
安可誇秋海萍一根孤叟何所歸晝眼如黃昏  
常恐失好步入彼市井門結僧為親情策竹為  
子孫此誠徒切切此意空存存一寸地上語高  
天何由聞

魏博田興尚書聽媿之命不立非夫人詩

君子耽古禮如饒魚吞鈎昨聞敬媿言望心東  
北流 田尚書與禮相綢繆善詞聞天下一

日一再周

讀經

垂老抱佛脚教妻讀黃經經黃名小品一紙千  
明星曾讀大般若細感肱蠶聽當時把齋中方  
寸抱萬靈勿復入長安蹴踏日月寧老方却歸  
來收拾可丁丁拂拭塵几案開函就孤亭儒書  
難借索僧籤饒芳馨驛驛不開手鏗鏗聞異鈴  
得善如焚香去惡如脫腥安得顏子耳曾未如  
此聽聽之何有言德教貴有形何言中國外有  
國如海萍海萍國教異天聲各泠泠安排未定  
時心火競熒熒將如庶幾者聲盡形元冥

謝李輶再到

等閑拜日晚夫妻猶相瘡况是賢人寬何必哭  
飛揚昨夜夢得劔為君藏中腸會將當風烹血  
染布衣裳勞君又扣門詞句失尋常我不忍出  
廳血字濕土牆血字耿不滅我心懼惶惶會有  
鏗鏘夫見之目生光生光非等閑君其且安詳  
忽不貧喜盧仝書船歸洛

孟東野詩集卷第九  
貧孟忽不貧請問孟如何盧仝歸洛船崔嵬但  
載書江潮清翻翻淮潮碧徐徐夜信為朝信朝  
信良卷舒江淮君子水相送仁有餘我去官色  
衫肩經入君廬喃喃肩經即言語傾琪琚琪琚  
鏗好詞鳥鵲躍庭除書船平安歸喜報鄉里閭  
我願拾遺柴巢經於空虛下免塵土侵上為一作  
與雲霞居日月更相鑠道義分明儲不願空岩  
堯但願實工夫實空二理微分別相起予經書  
荒蕪多為君勉勉鋤勉勉不敢專傳之方在諸

孟東野詩集卷第九



國家圖書館, NATIONAL CENTRAL LIBRARY, TAIWAN, R.O.C.

國家圖書館



孟東野詩集卷第十

唐山南西道節度叅謀試大理評事武康孟郊著  
明進士文林郎知武康縣事無錫秦禾重刻

曾孫秦伯欽  
鋳藏板

哀傷

弔國殤

徒言人最靈白骨

一作刃

亂蹤橫如何當春死不

及群草生堯舜宰乾坤器農不器兵秦漢盜山

岳鑄殺不鑄耕天地莫生金生金人競

一作起爭

吊比干墓

殷辛帝天下馱為天下尊乾綱既一斷賢愚無  
二門佞是福身本忠是喪已源餓虎不食子人  
無骨肉恩日影不入地下埋冤死竟有骨不為  
土應作直木根今來過此鄉下馬弔此墳靜念  
君臣間有道誰敢論

弔元魯山十首

轉驚有餘飽魯山長飢空豪人飫鮮肥魯山飯  
蒿蓬食名皆霸官食力乃克農君子耻新熊賈

山與古終天璞本平一人巧生異同魯山不自  
剖全璞竟沒躬

自剖多是非流濫將何歸奔競

一作損驅

立詭節凌

侮爭恠輝五帝坐銷鑠萬類隨衰微以茲見魯  
山道蹇無所依

君子不自蹇魯山蹇有因苟含天地秀皆是天  
地身天地蹇既甚魯山道莫伸天地氣不足魯  
山食更貧始知補元化竟湏得賢人

賢人多自竊道理與俗乖細功不敢言遠韻方

始諧萬物飽為飽萬人懷為懷一聲苟失所衆  
憾來相排所以元魯山饑衰難與偕

遠階無近級造次不可昇賢人潔腸胃寒日空  
澄疑血誓竟訛繆膏明易煎蒸以之驅魯山踈  
迹去莫乘

言浸魯山宦盡化堯時心豺虎耻狂噬齒牙閉

霜金

一作針

競來闢田土相與耕嶽岑當宵無關

鏢竟歲饒歌吟善教煖

一作履

天術美詞非俗箴

精微自然事視聽不可尋因書魯山績庶合簫

四音

肅韶太平樂魯山不虛作千古若有知百年幸  
如昨誰能嗣教化以此洗浮薄君臣貴深遇天  
地有靈橐力運既艱難德符方合莫名位苟虛  
曠聲明自銷鏢禮法雖相救貞濃易糟粕哀哀  
元魯山畢竟誰能度

當今富教化

一作禮嘉士

朝元后得賢相冰心鏡裏

古霜議清遐障幽埋盡光洗滯旅免流浪唯餘  
魯山名未獲旌廉讓二三貞苦士刷視聳危望

髮秋青山夜目斷丹闕亮誘類幸從茲嘉招固  
非妄小生奏狂狷感惕增萬狀

黃犢不知孝魯山自駕車非賢不可妻魯山竟  
無家供養耻它力言詞豈纖瑕將謠魯山德贖  
海誰能涯

遺嬰盡鷓乳何況肉骨枝心腸結苦誠曾臆垂  
甘滋事已出古表誰言獨今奇賢人母萬物愷  
涕流前詩

哭李觀

志士不得老多為直氣傷阮公終日哭壽命固  
難長顏子既殂謝孔門無輝光文星落奇曜寶  
劍摧脩鋸當作金應石忽為宮別商為爾弔琴  
瑟斷絃難再張偏轂不可轉隻翼不可翔靖塵  
無吹噓委地難飛揚此義古所重此風今已亡  
自聞喪元賓一日八九狂沉痛此丈夫驚呼彼  
穹蒼我有出俗韻勞君疾惡腸知音既已矣微  
言一作善誰能彰旅葬無高墳栽一作孤松不成行  
哀歌動寒日贈淚沾晨霜神理未窅窅一作冥冥今

未更茫茫何以蕩悲懷萬事付一觴

李少府廳吊李元賓遺字

元賓題少府廳  
云宿從叔宅有

感有其義  
而無其辭

零落三四字忽成千萬年那知冥冥客不有補  
亡篇斜月吊空壁旅人難獨眠一生能幾時百  
慮來相煎戚戚故交淚幽幽長夜泉已矣難重  
言一言一潛然

悼吳興湯

一作  
衡評事

君生

一作  
在

雪水清君歿雪水渾空令骨肉情哭

得白日昏大夜不復曉古松長閉門琴絃綠水  
絕詩句清山存昔為芳春顏今為荒草根獨問  
冥冥理先儒未曾言

哀孟雲卿嵩陽荒居

戚戚抱幽獨晏晏沉荒居不聞新歡笑但覩舊  
詩書藝槩意彌苦耕山食無餘定交昔何在至  
戚今或踈薄俗易銷歇淳風難久舒秋蕪上空  
堂寒槿落枯渠雜草恐傷蕙攝衣自理鋤殘芳  
亦可餌遺秀誰忍除徘徊未能去為爾涕漣如

哭盧貞國

一別難與期存亡易寒燠下馬入君門聲悲不成哭自能富才藝當翼深榮祿皇天負我賢遺恨至兩目平生嘆無子家事親相囑

傷舊遊

去春會處今春歸花數不減人數稀朝笑片時暮成泣東風一向還西輝

弔房十五次卿少府

日高方得起獨賞此些春可惜宛轉罵好音與

它人昔年此氣味還走曲江濱逢著韓退之結交方殷動蜀客骨目高聰辯劒戟新如何昨日歡今日見無因英奇一謝世視聽一為塵誰言

老淚短淚短沾衣巾

一作足沾巾

逢江南故畫上人會中鄭方畱

上人往年手札五十篇相

贈云以為它日之念

相逢失意中萬感因語至追思東林日掩抑北邙淚筐篋有遺文江山舊清氣塵生逍遙注

一作

篇墨故飛動字荒毀碧澗居虛無青松位珠沉

百泉暗月死辟象闕永謝平生言知音豈容易

哭秘書包大監

哲人卧病日賤子泣玉年常恐寶鏡破明月難  
再圓文字未改素聲容忽歸玄始知知音稀千  
載一絕絃舊館有遺琴清風那復傳

悼幼子

一閉黃蒿門不聞白日事生氣散成風枯骸化  
為地負我十年恩欠爾千行淚洒之北原上不  
待秋風至

悼亡

山頭明月夜增輝不照重泉下泉下雙龍無再  
期金蚕玉鷲空銷化朝雲暮雨成古墟蕭蕭野  
竹風吹亞

弔李元賓墳

曉上荒涼原吊彼冥冥鬼眼咽此時淚耳棲在  
日言寂寂千萬年墳鏹孤松根

覽崔爽遺文因紆幽懷

崔君發  
於南方

墜淚數首文悲結千里墳蒼旻且留我白日空

遺君仙鶴未巢月衰鳳先墜雲清風獨起時舊  
語如再聞瑶草罷歲蕤桂花休氛氲萬物與我  
心相感吳江濱

峽哀十首

昔多相與笑今誰相與哀峽哀哭幽鬼一作激  
激風吹來墮魄抱空月出沒難自裁壑粉一閃  
間春濤百丈一作尺雷峽水聲不平碧沓牽清洄  
沙稜箭箭一作前前急波齒斷斷開呀彼無底吮待  
此不測災谷號相噴激石怒爭旋迴古罪有一作

復鄉今縲多為能字孤徒髣髴銜雪猶驚猜薄  
俗少直腸交結須橫財黃金買相吊幽泣無餘  
漉我有古心意為君空摧頽

上天下天水出地入地舟石劔相劈斫石波怒  
蛟虬花木疊宿春風飈凝古秋幽恠窟穴語飛  
聞肝蠱流沉哀日已深銜訴將何求

三峽一線天三峽萬繩泉上仄碎日月下掣狂  
漪連破魄一兩點疑幽數百年峽暉不停午峽  
險多饑涎樹根鑱枯棺孤骨裊裊懸樹枝哭霜



棲哀韻杳杳鮮逐客零落腸到此湯火煎性命  
如紡績道路隨索緣奠淚弔波靈波灵將閃然  
峽亂鳴清磬一作峽虬鳴清聲產石為鮮鱗噴為腥雨  
涎吹佐黑井身恠光閃衆異餓劍唯待人老腸  
未曾飽古齒嶄崑噉嚼齒三峽泉三峽聲斷斷  
峽螭老解語百丈潭應聞毒波為計校飲血養  
子孫既非臯陶吏空食沉嶽一作鬼一作潛恠何幽  
幽魄說徒云云峽聽哀哭泉峽吊鰥寡猿峽聲  
非人聲劔水相劈翻斯誰士諸謝奏此沉苦言

說人峽虬心渴罪呀然潯所食無直腸所語饒  
梟音石齒嚼百泉石風號千琴幽哀莫能遠分  
雪何由尋月魄一作鬼一作高卓卓峽窟一作窟一作清沉沉  
銜訴何時明抱痛已不禁犀飛空波濤裂石千  
嶽岑

峽稜剗日月日月多摧輝物皆斜及生鳥亦斜  
及飛潛石齒相鑱沉蒐招莫歸恍惚清泉甲班  
爛碧石衣餓嚙潺湲號涎似泓法肥峽春不可  
遊腥草生澂澂

峽景滑易墮峽花恠非春紅光根潛涎碧兩飛  
沃津巴谷蛟螭心巴鄉魍魎親噉生不問賢至  
死獨養身腥語信者誰誰拗歌歡非真仄田無  
異稼毒水多瘳鮮異類不可友峽哀哀難伸

峽水劔戟瘳峽舟霹靂翔因依虺蜴手起坐風  
雨忙峽旅多窟官峽氓多非良滑心不可求滑  
習積已長漠漠涎霧起斷斷涎水光渴賢如之

心在水

一作北

中央

爲作人語蛟虬吸水波能於白日間諠歆晴

風和駭智蹶衆命蘊腥布深蘿齒泉無底貧鋸  
涎在處多仄樹鳥不巢蹕猿相過峽哀不可  
聽峽怨其柰何

杏塲九首

并序

杏塲花乳也霜翦而落因悲昔嬰故作是詩  
凍手莫弄珠弄珠珠易飛驚霜莫翦春翦春無  
光輝零落小花乳爛班昔嬰衣拾之不盈把日  
暮空悲歸

地上空拾星枝上不見花哀哀孤老人戚戚無

子家豈若沒水鳧不如拾巢鴉浪穀破便飛風  
鷓鴣相誇芳嬰不復生向物空悲嗟

應是一線淚入此春木心枝枝不成花片片落  
翦金春壽何可長霜哀亦已深常時洗芳泉此

日洗淚襟

兒生月不明兒死月始光兒月兩相奪兒命果

不長如何此英英亦為吊蒼蒼甘為墮地塵不

為末世一作木芳

踏地恐土痛損彼芳樹根此誠天不知翦棄我

子孫垂枝有千落芳命無一存誰謂生人家春  
色不入門

冽冽霜殺春枝枝疑織刀木心既零落山竅空

呼號班班落地英點點如明膏如知天地間萬

物皆不牢

哭此不成春淚痕三四班失芳蝶既狂失子老

亦孱且一作豈無生生力自一作甘有死死顏靈鳳

不銜訴誰為扣天關

此兒自見災花發多不諧窮老收碎心永夜抱

破懷聲死更何言  
意死不必喑  
病叟無子孫  
獨立猶束柴

霜似敗紅芳  
翦啄十數雙  
參差伸細風  
噏喙沸一作戲  
淺江泣疑一作疑  
不可消一作消  
恨壯難自降一作誚

空遺舊日影  
怨彼一作此  
小書認

吊江南老家人春梅

念爾筋力盡  
違我衣食思  
柰何麤獷兒生  
鞭見死痕舊  
使常以禮新  
怨一作冤  
將誰吞胡為  
平泥

中一作上天  
消歇教義源

哭李丹貞外并寄杜中丞

生死方知交態存  
忍將斷斷報幽魂  
十年同在平原客  
更遣何人哭寢門

哭劉言史

詩人業孤峭  
餓死良已多  
相悲與相笑  
累累其柰何  
精異劉言史  
詩腸傾珠河  
取次抱置之一作

飛過東溟波  
可惜大國謠  
颺為四夷歌一作

常於衆中會  
顏色兩切磋  
今日果成死  
葬襄一作喪  
之洛河洛岸  
遠相吊  
酒淚雙滂沱

平盧殷十首

詩人多清峭，餓死抱空山。白雲既無主，飛出意  
等閑。久病牀席尸，護喪童僕孱。故書窮鼠啣，狼  
籍一室間。君歸新鬼鄉，我面古玉一作顏。羞見  
入地時，無人叫追攀。百泉空相弔，日夕一作哀

潺潺

唧唧復唧唧，千古一月色。新新復新新，千古一  
花春。印風噫孟郊，嵩秋葬盧殷。北印相後客，相  
弔為埃塵。北印棘針草，淚根生苦辛。烟火不自

煖，筋力早已貧。幽薦一盃泣，瀉之清洛濱。添為

斷腸聲，愁殺長別人。

棘針風相號，破碎諸苦哀。苦哀不可聞，掩耳亦  
入來。哭絃多煎聲，恨涕有餘摧。噫貧氣已焚噫，  
死心更灰。夢世浮閃閃，淚波深洄洄。薤歌一以  
去，蒿閉不復開。

登封草木深，登封道路微。日月不與光，莓苔空  
生衣。可憐無子翁，虬蟬緣病肌。攣卧歲時長，連  
連但幽噫。幽噫虎豹聞，此外相訪稀。至親唯有

詩袍心死有歸河南韓先生後君作因依磨一  
片嵌巖書千古光輝

賢人無計校生苦死徒誇它名潤子孫君名潤

泥沙可惜千首文閃如一朝花零落難苦言一作

又起坐空驚嗟

耳聞陋巷生眼見魯山君餓死始有名餓名高

氛氳懣叟老壯氣感之為憂雲所憂唯一泣古

今相紛紛平生與君說逮此俱云云

初識漆鬢髮爭為新文章夜踏明月橋店飲吾

曹床醉吸二盃釀名郁一縣香寺中摘梅花園

裏翦浮芳高嗜綠蔬一作焦美意輕肥賦羊吟

哦無滓韻言語多古腸白首忽然至盛年如偷

將清濁俱莫追何須罵滄浪

前言多哭酒哭酒免哭心後賢試御之哀至無

不深少年哭酒時白髮亦以侵老年哭酒時聲

韻隨生沉寄言哭酒賓勿作登封音登封徒放

聲大地竟難尋

同人少相哭異類多相號始知禽獸癡却至天

然高非子病無淚非父念莫勞如何裁親踈用  
禮如用刀孤喪鮮匍匐閉哀抱鬱陶煩他手中  
奠誠信焉能褒嗟嗟無子翁死棄如脫毛  
聖人哭賢人骨化氣為星文章飛上天列宿增  
晶熒前古文可數今人文亦靈高名稱謫仙杲  
降曾莫停有文死更香無文生亦腥為君鏗好  
辭永傳作謚寧

聯句

有所思聯句

相思統我心日夕千萬重年光坐晼晚春淚銷  
顏容如臺鏡晦舊暉庭草滋新茸望夫山上石  
別劍水一作中龍也

遣興聯句

我心隨月光寫君庭中央郊月光有時晦我心  
安所忘愈常恐金石契斷為相思腸郊平生無  
百歲岐路有四方愈四方各異俗適異非所將  
郊駕蹄顧挫抹逸翻遺稻梁愈時危抱獨沉道  
泰懷同翔郊獨居久寂默相顧聊慨慷慨慷丈

夫志可以耀鋒鉞郊遠窳知卷舒孔顏識行藏  
愈朗鑒諒不遠佩蘭永芬芳郊苟無夫子聽誰  
使知音揚愈

贈劔客李園聯句

天地有靈術得之者唯君郊築爐地區外積火  
燒氛氲愈照海鑠幽恠滿空敲異氛郊山磨電  
弈弈水淬龍蝘蝘愈太一裝以寶列仙篆其文  
郊可用懾百神豈惟壯三軍愈有時幽匣吟忽  
似深潭聞郊風胡久已死此劔將誰分愈行當

獻天子然後致殊勲郊豈知豐城下空有斗  
雲愈

讚

讚維摩詰

貌是古印言是空音在酒不飲在色不淫非獨  
僧禮亦使儒欽感此補亡書謝懸金  
書

上常州盧使君書

道德仁義天地之常也將有人主張之乎將無



人主張之乎曰賢人君子有其位言之可以周天下而行也無其位則周身言之可也周身言之可周天下言之不可也仲尼當時無其位言之亦不可周天下而行也及至著書載其言則周萬古而行也豈惟周天下而已哉仲尼非獨載其言周萬古而行也前古聖賢得仲尼之道則其言皆載之周萬古而行也道德仁義之言已聞周天下誦之久矣其後著書君子亦當載矣周萬古而行也幸甚幸甚道德仁義之言

天地至公之道也君子著書期不朽亦天地至公之道夫何讓哉是故不以道德仁義事其君者以盜賊事其君也不以道德仁義之衣食養其親者是盜賊養其親也閤下既以道德仁義事其君聞之天下久矣小子顯求閤下道德仁義之衣食以為養也謂之中庸之道謂之中庸則敢求也謂之特達則不敢求也小子嘗衣食宣武軍司馬陸大夫道德仁義之矣陸公既沒又嘗衣食此郡前守吏部侍郎常公道德仁義

之矣常公既去衣食亦去道德仁義顯其主張  
謹載是書及舊文又有子遇之書同乎緘獻輕  
重可否傾一言陳謝誠異於異日不宣郊再拜

又上養生書

天之與人一其道也天地不棄於人人自棄於  
天天可棄於人乎曰不可人自棄也已曰人皆  
棄之乎曰賢人君子不棄也凡人棄之可天有  
殺物之心而無棄物之心天有棄物之心則萬  
物莫能生矣是故君子之於萬物皆不棄也而

先於身乎棄其身是棄其後也棄其後是棄其  
先也故曰君子之道豈易哉敢不法天而行身  
手所以君子養其身養其公也小人養其身養  
其私也身以及家家以及國國以及天下以公  
道養天下則天下肥也以私道養天下則天下  
削也養身之道豈容易哉養其公者天道養也  
養其私者人情養也以天道養其人則合天矣  
以人情養其人則不合天矣以人情養其人自  
棄矣天道質也人情文也天道靜也人情動也

質者生之侈也靜者生之得也動者生之棄也  
文不以質勝之則文為棄矣動不以靜制之則  
動為棄矣天者水之謂也人者魚之謂也魚棄  
水則蝼蟻得之矣人棄天則疾病得之矣魚可  
安於水而不可翫於水其失也在水乎恣波浪而  
不迴也人可安於天而不可翫於天其失也在  
乎恣嗜慾而不迴也所謂安於天者法天之味  
而食之食不違於四時也法天之聽而聽之聽  
不違於五節也法天之明而視之視不違於五  
色也食與視聽苟違於五則疾病得之矣故曰  
君子法天而行身也小人翫天而棄身也書之  
座右嵇康猶有所棄秦之醫和晉之杜蒯其亦  
不書於右則何以為君子之座哉良藥苦口也  
苦口獲罪於人苟或有矣仁義之獲罪於天未  
之有也恩養下將遠辭違書寫至誠之言不勝  
惶悚之甚不宣郊再拜

孟東詩集卷第十終

日  
八



國家圖書館, NATIONAL CENTRAL LIBRARY, TAIWAN, R.O.C.

與韓退之聯句十首附

城南聯句一百五十韻

竹影金鎖碎

郊

泉音玉淙琤  
瑠璃翦木葉

愈

翡

翠開園英流滑隨仄步

郊

搜尋得深行  
遙岑出

寸碧

愈

遠目增雙明  
乾穉紛拄地

郊

化蟲枯槁

莖木腐或垂耳

愈

草珠競駢晴  
浮虛有新斲

郊

摧杙饒孤撐  
囚飛粘網動

愈

盜

一作

啗接彈驚

脫實自開坼

郊

牽柔誰繞縈  
禮鼠拱而立

愈

駸

一作

牛躅且鳴蔬  
甲喜臨社

郊

田毛樂寬征露

螢不自暖愈凍蝶尚思輕宿羽有先曉郊食鱗

時半橫菱翻紫角利愈荷折碧圓傾楚膩鱸鮪

亂郊獠羞螺蚌并桑蠖見虛指愈穴狸聞鬪獐

逗翳翅相築郊擺幽尾交榜蔓涎角出縮愈樹

啄頭敲鏗修箭裊金餌郊群鮮沸池羹岸殼圻

玄兆愈野蕤漸豐萌窞煙冪疏島郊沙篆印迴

平瘁肌遭蚝刺愈啾耳聞雞生竒慮恣迴轉郊

遐晞縱逢迎巔林戢遠睫愈縹氣夷空情歸跡

歸不得郊捨心捨還爭靈麻撮狗孔愈村稚啼

禽猩紅皴曬簷瓦郊黃團繫門衡得雋蠅虎健

愈相殘雀豹趨束枯樵指禿郊刈熟擔肩賴澁

旋皮卷齧愈苦開腹膨脝機春潺湲力郊吹簸

飄飄精饗饌木盤簇愈一作寄鞞妖藤索拼荒學五

六卷郊古藏四三瑩里儒拳足拜愈土恠閃眸

偵蹄遁補復破郊絲稟掃還成暮堂蝙蝠沸愈

破竈伊威盈追此訊前主郊答云皆冢卿敗壁

剝寒月愈折筮嘯遺笙桂熏霏霏在郊綦跡微

微星劔石猶竦檻愈獸材尚拏楹寶唾拾未盡

郊 玉蹄墮猶鎗一作 總綃疑闕豔愈 粧燭已銷

繁綠髮抽珉甃郊 青膚聳瑤楨白蛾飛舞地愈

幽靈落書棚惟昔集嘉詠郊 吐芳類鳴嚶窺竒

摘海異愈 恣韻激天鯨腸胃繞萬象郊 精神驅

五兵蜀雄李杜拔愈 嶽力雷車轟大句幹玄造

郊 高言軋霄崢芒端轉寒燠愈 神助溢盃觥巨

細各乘運郊 湏潤一作 亦騰聲凌花咀粉蕊愈

削縷穿珠櫻綺訶洗晴雪郊 嬌辭哢雛鸞酣歡

雜弁珥愈 繁價流金瓊齒苜寫江一作 調郊 萎

蕤綴藍瑛庖霜繪玄鯽愈 浙玉炊香粳朝饌已

百態郊 香醪又千名衰匏蹙駛景愈 洌唱凝餘

晶解魄不自主郊 痺肥坐空瞳扳援賤蹊絕愈

炫曜仙選更藪巧競採笑郊 駢鮮互探嬰桑變

忽蕪蔓愈 樟裁浪登丁霞闕詎能極郊 風期誰

復賡臯區扶帝壤愈 懷蘊郁天京祥色被文彥

郊 良材插杉檉隱伏饒氣象愈 興潛示堆坑擘

華露神物郊 擁終儲地楨紆謨壯締始愈 輔弼

登階清兮秀恣填塞郊 呀靈瀟渟澄益大連漢

魏愈肇初過周羸積照涵德鏡郊傳經儷金籬

食家行鼎鼐愈寵族飮弓旌弈制盡從賜郊殊

私得逾程飛橋上架漢愈繚岸俯窺瀛瀟碧遠

輸委郊胡一作湖嵌費攜擎菊首從大漢愈作漢楓

儲一作樹至南荆嘉植鮮危朽郊膏埋易滋榮懸

長巧細翠愈象曲善攢珩魚口星浮沒郊馬毛

錦班駢五方亂風土愈百種分鋤耕葩藥相妬

出郊菲茸共舒晴類招臻個詭愈翼萃伏衿纓

危望跨飛動郊冥升躡登閔春游轆霍靡愈彩

伴颯娉嬪遺燦飄的皪郊淑顏洞精誠嬌應如

在寤愈頽意若含醞鴉毳翔衣帶郊鵝肪截珮

璜文昇相照灼愈武勝屠挽槍割錦不酬價郊

構雲有高營通波物鱗介愈䟽畹富蕭蘅買養

馴孔翠郊遠苞樹蕉併鴻頭排刺芡愈鵠鷖攢

瓊橙鶯廣雜良牧郊蒙休賴先盟罷旄奉環衛

愈守封踐忠貞戰服脫明介郊朝冠飄彩絃爵

勳逮僮隸愈替笏自懷繡乳下秀嶷嶷郊椒蕃

泣惶惶貌鑑清溢匣愈眸光寒發劓館儒養經



史郊綴戚觴孫甥考鍾饋肴核愈戛鼓侑宰牲

飛膳自北下郊函珍極東烹如瓜煮大卵愈比

線茹芳菁憑嶽錯口腹郊趙燕錫媼姪一笑釋

仇恨愈百金交弟兄貨至貊戎市郊呼傳鸚鵡

令順居無鬼瞰愈抑橫免官評殺候肆凌翦郊

籠原市置紉羽空顛稚鷄愈血路迸狐麋折足

去蹠蹕郊蹙鬢怒鬢躍犬疾翥鳥愈呀鷹甚

饑童筭蹄記功賞郊裂臙一作相控一作擡猛

斃牛馬樂愈妖殘梟鴿俾窟窮尚嗔視郊箭出

方驚抨連箱載已實愈礙轍棄仍羸喘覷鋒刃

點郊困衝株枿盲掃淨豁曠曠愈騁遥略莘莘

饒叔飽活鬻郊惡嚼嘖腥鯖歲律及郊至愈古

音命韶讖旗旆流日月郊帳廬扶棟薨磊落奠

鴻壁愈參差席香蔓玄祗祉兆姓郊黑柜饒豐

盛慶流蠲瘥癘愈威暢捐輶翱靈燔望高閭郊

龍駕聞鼓颺是惟禮之盛愈永用表其宏德孕

厚生植郊恩熙完刑剝宅土畫華族愈運田間

強眈蔭庾森嶺檜郊啄場翮祥鵬畦肥剪菲薤

愈陶固收盆甕利養積餘健郊孝思事嚴枋掘

雲破帶嶼愈採月漉坳泓寺砌上明鏡郊僧盂

敲曉鈺泥像對騁恠愈鐵鍾孤舂錙瘦額開鳩

鴿郊蜿垣亂蛛蝶甚黑老蠶蠟愈麥黃韻鸚鷓

韶曙遲勝賞郊賢明一作戒先庚馳門填偈仄

愈競野輾砢碎醉結一作紅滿杏郊稠凝碧浮

飭蹠一作繩覲娥婺愈闢草擷一作璣瑄粉汗

澤廣額郊金星墮連瓔鼻偷困淑郁愈眼剽強

眈矐是節飽顏色郊茲疆稱都城書饒整魚鱗

愈紀盛播琴箏奚必事遠覲郊無端逐羈僉將

身親媿魁愈浮跡侶鷗鷖腥味空莫屈郊天年

徒羨彭驚魂見蛇蚓愈觸嗅值鰕蚘幸得履中

氣郊忝從拂天棖歸私暫休暇愈驅明一作出

庠鬻鮮意竦輕暢郊連輝照瓊瑩陶暄逐風乙

愈躍視舞晴蜻足勝自多詣郊心貪敵無勅始

知樂名教愈何用苦拘倅畢景任詩趣郊焉能

守磴磴愈

會合聯句

五言詩集卷

離別言無期會合意彌重籍病添兒女戀老喪

大夫勇愈劔心知未謝一作死詩思猶孤聳郊愁

去劇箭飛謹來若泉涌微折一作析言多新貫攄

抱無昔壅籍念難須勤追悔易勿輕踵愈吟巴

山犖一作犖說楚波堆壘郊馬辭虎豹怒

舟出蛟鼉恐微狂鯨時旅軒幽狃雜百種愈瘴

衣常腥膩蠻器多踈冗籍剥苔弔班林角飯餌

沉塚愈忽爾銜遠命歸歟一作還舞新寵郊鬼窟

脫幽妖天居覲清拱愈京遊步方振謫夢意猶

恂籍詩書誇舊知酒食接新奉愈嘉言寫清越

瘡病失朧腫郊夏陰偶高庇宵魂一作魄接虛擁

愈雪絃寂寂聽茗盃纖纖捧郊馳輝燭浮螢幽

響世潛蚤愈詩老獨何心江疾有餘虺郊我家

本瀍穀有地介阜輦休跡憶沉冥峨冠慙關

升朝高轡逸振物群聽悚徒一作待言濯幽泌詭

與雉荒茸籍朝紳鬱青綠馬飾曜珪琪國讎未

銷鑠我志蕩邛隴郊君才誠個儻時論方洵溶

格言多慮蔚懸解無枯拳張生得淵源寒色拔

山冢堅如撞群金眇若抽獨蛹愈伊余何所擬  
跛豔詎能踊塊然墮岳石飄爾罨巢鼯郊龍旆  
垂天衛雲韶凝禁甬君乎一作胡眠安然朝鼓聲  
洶洶愈

關雞聯句

大雞昂然來小雞竦而待愈崢嶸顛盛氣洗刷  
凝鮮彩郊高行若矜豪側睨如何殆愈精光目  
相射劔戟心獨在郊既取冠為冑復以距為鏃  
一作鏃天時得清寒地利挾一作挾爽塏愈磔毛

各噤痒一作痒怒癭爭碾磊俄鷹忽爾低植立瞥  
而改郊臑膊戰聲喧續翻落羽睢中休事未決  
小挫勢益倍愈姤腸務生敵一作敵賊性專相醢  
裂血失鳴聲咏殷甚饑餒郊對起何急驚隨旋  
誠巧結毒手飽李陽神槌一作槌困朱亥愈惻心  
我以仁碎首爾何罪獨勝事有然旁驚汗流浹  
郊知雄欣動顏怯負愁看一作看賄爭觀雲填道  
助叫波翻海愈事或作事瓜深難解嗔晴時未急  
一噴一醒然再接再囑乃郊頭垂碎丹砂翼搨

五言古詩卷之四  
八  
拖錦綵軒尚賈餘勇清厲比歸凱愈選俊感收  
毛受恩慙始隗英心甘闢死義尚恥庖宰君看  
聞鷄篇短韻有可採郊

納涼聯句

通

一作虎

蕭取遙風微微近秋朔

郊

金柔氣相低

火老候愈燭

愈

熙熙炎光流竦竦高雲擢

愈

閃

紅驚蚰虬凝赤聳山嶽目林恐焚燒耳井憶澆  
潯仰懼失交泰非時結冰雹化鄧渴且多奔河  
誠已慙暘道者誰子叩商者何樂洗一作浩矣得

滂沱感然鳴鸞鷲嘉願苟未從前心空緬邈清

砌千迴坐冷環再三掘煩懷却星星

一作醒

高意

還卓卓

郊

龍沈劇煮鮮牛喘甚熒角蟬煩鳴轉

唱鳥噪飢不啄晝蠅食案繁宵蚋肌血渥卑締

厭已褫長筭倦還捉幸茲得佳朋於此蔭華楠

青熒文簟施淡澈甘衣濯大壁曠凝淨古晝竒

竒駁犖淒如玃

一作玃

寒門皓若攢玉璞掃寬延

鮮飈汲冷漬香檝篚實摘林珍盤肴饋禽殼

一作殼

殼

空掌喜淹留貧饌羞齷齪

愈

殷勤相勸勉左

右加龍斲賈勇發礪爭前曜冰槩微然草根響  
先被詩情覺感衰悲舊改工異送新貌誰言擯  
明老猶自將心學危簷不敢憑朽機懼傾撲青  
雲路難近黃鶴足仍鋌未能飲淵泉立滯叫芳  
藟郊與子昔睽離嗟余苦屯剝直道敗邪徑拙  
謀傷巧詠炎湖度氛氲熱石行犖碯瘠饑夏尤  
甚瘡渴秋更數君顏不可覲君手無由搦今來  
沐新恩庶見返鴻朴儒庠恣游息聖籍飽商榷  
危行無依徊正言免咿喔車馬獲同驅酒醪欣

軟惟憂棄管蒯敢望侍帷幄此志且如何希君  
為追琢愈

秋雨聯句

萬木聲號呼百川氣交會郊庭翻樹離合牖變  
景明藹愈濃瀉殊未終飛浮亦云泰郊牽懷到  
空山屬聽邇驚瀨愈簷垂白練一作直渠漲清  
湘大郊甘津澤祥禾一作伏潤肥荒艾愈主人  
吟有歡客子歌無柰郊侵陽日沈玄剝節風搜  
允愈塊北遊峽喧颼颼卧江汰郊微飄來枕前

高灑自天外愈 蝥穴何迫窄 蟬枝掃鳴噦郊 園

菊茂新芳逕 蘭銷晚靄愈 地鏡時昏曉 池星競

漂沛郊 謹歎尋一聲 灌注咽群籟愈 儒宮煙火

濕市舍 煎熬忤郊 卧冷空避門 衣寒屢修一作

帶愈 水怒已倒流 陰繁恐凝害郊 憂虞一作 思

丹戢感禹勤 吠澮愈 懷襄信可畏 踈決湏有柘

郊 筮命或馮著 卜情將問蔡愈 庭商忽驚舞

榮亦親酌郊 氣醕稍踈映 零亂還擁蒼 陰精

莊 時膠流帝鼓 鎮旬盍棗圍 落青瓊 爪哇爛文

具貧薪不燭 竈富粟空填愈 秦俗動言利 魯

儒欲何丐 深路倒羸驂 弱塗擁行軼 毛羽皆遭

凍籬 篔不能翻 浪洗虛空傾 濤敗藏蓋郊 吾

人猶在陳 僮僕誠自鄙 因思征蜀士 未免濕戎

旆 安得發商飈 廓然吹宿靄 白日懸大野 幽泥

化輕盞 戰場暫一乾 賊肉行可膾愈 搜心思有

效 抽策期稱最 豈惟慮收穫 亦已救顛沛郊 禽

情初嘯 儻礎色微收 霈庶幾諧我願 遂止無已

太愈

征蜀聯句

日一作王忿違傲有命事誅拔蜀險豁關防秦

師縱橫猾愈風旗市地揚雷鼓轟天殺竹兵彼

鉞脆鐵刃一作我鎗讎郊刑神咤擊旄陰燄颯

犀札翻霓紛偃蹇塞野瀕垝圯愈生儻競掣跌

癡突爭填軋渴鬪信逐吹散姦何噢喟郊更呼

相竅蕩交斫雙缺齧火發激銍腥血飄騰足滑

愈飛猱無整陣翩鶻有邪憂江倒沸鯨鯢山搖

潰樞楔郊中離分二三外變迷七八逆頸盡微

索仇頭恣髡怒鬚猶擊鬢斷臂仍瓢瓠愈石

潛設竒伏穴觀騁精察中矢類妖慘跳鋒狀驚

狃躡翻聚林嶺斗起成埃坵郊旆亡多空扛軸

折鮮聯轄剝膚決瘡痍敗面碎剝割渾奔肆狂

勦捷竄脫趨黠巖鉤踔狙猿水漣雜鱣蝮投奔

開碛陰填惶儼一作儼侷愈強睛死不閉獷眼

困逾眊藝堞煬歎嬉挾門呀拗閻天刀封未拆

酋膽懾前堰踰梁排一作郁縮闖竇揆窳窳迫

脅聞雜驅伊咄叫寃舄郊窮區指清夷兇部



坐雕鏤印文裁斐奩巴豔收媼媼椎肥牛呼牟  
 載實駝鳴圖聖靈閔頑器燾養均草蔡下書過  
 椎唬解罪弔孿瞎愈戰血時銷洗劒霜夜清刮  
 漢棧罷翳闐獠江息彭八始去杏飛蜂及歸柳  
 嘶蜚廟獻繁馘級樂聲洞控榻郊臺圖煥丹玄  
 郊告儼匏稽念齒慰徽翼視傷悼癩疵休輸任  
 訛寢報力厚麩靺戍寒絕朝乘刀暗歇宵營此  
句一本在彭八下公歡鍾晨撞室宴絲曉拈盃盃酬酒  
 醪箱篋饋巾味小且昧戎經維用贊勳劼愈

同宿聯句

自從別君來遠出遭巧諧愈斑斑落春淚浩浩  
 浮秋浸郊毛竒覩象犀羽恠見鵬鴟愈朝行多  
 危棧一作夜卧饒驚枕郊生榮今分踰死棄昔  
 情任愈鷓行叅綺陌雞唱聞清禁郊山晴指高  
 標槐密鶩長蔭愈直辭一以薦巧舌千比郊  
 匡鼎惟說詩桓譚不讀識愈逸韻何嘈傲高名  
 俟沽賃郊紛葩歡屢填曠亮憂早滲愈為君開  
 酒腸顛倒舞相飲郊曦光霽曙物景曜鑠宵禊

愈 儒門雖大啓姦首不敢闖義泉雖至近盜索

不敢沁清琴試一揮白鶴叫相喑一作相叫欲

知心同樂雙蘭抽作絰郊

莎柵聯句

冰溪時咽絕風櫪方軒舉愈此處不斷腸定知

無斷處郊

雨中寄孟刑部幾道聯句

秋潦淹一作轍跡高居限參拜愈耿耿蓄良思

遙遙仰嘉話郊一晨長隔歲百步還一作殊界

愈商一作聽饒清聳閣一作懷空抑噫郊美君

知道腴逸步謝天械愈吟馨鏘紛雜抱照瑩疑

恠郊撞宏聲不掉輸邈瀾逾殺愈簷瀉碎江喧

街流淺溪邁郊念初相遭逢幸免因媒介祛煩

類決癰愜興劇爬疥研文較幽玄呼博騁雄快

今君軺方一作馳伊我羽已一作鍛温存感深

惠琢切奉明戒愈迨茲更凝情暫阻若嬰瘵欲

知相從盡靈珀捨一作纖芥欲知相益多神藥

銷宿憊德符仙山岸永丘難歌壞氣涵秋天河

有朗無驚泮郊祥鳳遺蒿鷓雲韶掩夷靺爭名  
求鵠徒騰口甚蟬喝未來聲已赫始鼓敵前敗  
闕場再鳴先遐路一飛屆東野繼竒躅修綸懸  
衆轄穿空細丘垤照日陋管蒯愈小生何足道  
積慎如觸蕙悵悵抱所諾翼翼自申戒聖書空  
勘讀盜食敢求嘍惟當騎款段豈望覲珪玠弱  
操愧筠杉微芳比蕭薤何以驗高明柔中有剛  
大郊

遠遊聯句

別腸車輪轉一日一萬周郊離思春水泮瀾浸  
不可收愈馳光忽已迫飛轡誰能留愈取之詎  
灼灼此去信悠悠楚客宿江山夜鳧樓浪頭曉  
日生遠岸水芳綴孤舟村飲泊好木一作館野蔬  
拾新柔獨含淒淒別中結鬱鬱愁人億舊行樂  
鳥吟新得儔郊靈瑟時窅窅露猿夜啾啾憤濤  
氣尚盛恨竹淚空幽長懷絕無已多感良自尤  
即路涉獻歲歸期眇涼飈兩歡日牢落孤悲坐  
網繆愈觀恠忽蕩漾叩亡馬冥搜海鯨吞明月

浪島沒大漚一浮

鈎欲釣千夫流良

知忽然遠壯志鬱無

魍魎一作魍暫出沒蛟

螭互蟠蛟昌言拜舜禹舉風一作凌斗牛懷糶

愧賢屈乘桴追聖丘飄然天外步豈肯區中囚

愈楚些待誰吊賈辭絨恨投翳明弗可曉祕鬼

安所求氣毒放逐域蓼雜芳菲疇當春忽淒涼

不枯亦颯颯貉謠衆猥巴尹子月尹幽默誓去

外俗嘉願還中州生行既自相戮音留

飲醇趣明代味腥甘荒陬郊馳深鼓利楫趨險

驚蜚輶繫石沉斲尚開弓射

一驩路暗

大廣泛信

行恣浮游

跪坐陳

子

西海淑

子歸去無夷猶愈

